



08054

楓山章先生實紀卷之三目錄

本傳

先師楓山章先生傳

門人姜

麟

先師楓山章先生行實

門人唐

龍

楓山章先生行狀

林俊

伯父闓然翁行實

姪拯

先師楓山章先生補傳

門人董

遵

先師楓山章先生傳略

門人唐

鉞

卷三

楓山先生實紀目錄

退補齋藏板



楓山章先生實紀卷之三

郡後學胡鳳丹月樵校梓

本傳

先師楓山章先生傳

姜麟

先生名懋字德懋姓章氏少有異質書數過輒成誦
不忘厥考祭酒公期之大受博以諸經子史比成童
無書不讀補博士弟子與先子同舍會輔交滋先子
雖少長謂先生聞道己先致敬畏焉按察僉事江西
劉龍號通五經聞先生名召見堂上甚加器重語曰

卷三

楓山先生實紀

二

退補齋
藏板

當以少年登高科文學名天下自是聲稱日起每試
必居首選景泰癸酉三月杪先子夢白麟踞坐齋戶
外旦以告人皆曰取應之兆先生獨曰肅育之祥越
三日麟生先生善吾文山講易有深契或謂二先生
易太邃不利場屋先生笑曰當有具眼不數年相繼
魁選成化丙戌劉學士定之主會試得先生文讀之
謂茂才異等擢第一人刻其文什六七廷試風揭先
生卷起廷中諸執事驚曰此異事殆異人也置二甲
前列輿論殊不平顧以先生與一峯先生文學行誼

一時士望竝登大魁蔚爲科目之盛選翰林庶吉士
讀書中秘時課著作以程其學先生詩必言志文必
載道往往絕出流輩丁亥年授翰林國史編修是年
十二月內閣分賦煙火詩贊先生不賦詩上疏忤旨
得罪杖之闕下黜爲臨武縣知縣旣出國門諫垣論
救左遷南京大理寺左評事先生至則剝取刑書故
牘詳閱之得鞫獄之法論讞稱平先生望重平日留
都士大夫以其進退卜時污隆三載考績天曹上疏
歸省於是漸有去志矣復任遷福建按察僉事先生

卷三

楓山先生實紀

三

退補齋
藏板

雖盡心職務然直以德學顯而不以吏事名張都御
史瑄分陝福建雅重先生凡官吏臧否政事得失咸
取決焉先生旣不辭難亦不矯枉眾益推服嘗因節
序題其符曰自有鬼神司屋漏不須茶壘衛門庭題
其楹曰無才自愧虛糜祿有病惟應蚤掛冠人以是
知先生學在內省志不在外求也連歲病熱歸志益
堅滿考入朝事竣乞致仕先生年纔四十一且告老
朝野駭異謂錢若水復出度必留先生大用先生求
去甚力遂得請南歸強歲二毛深居簡出東阡北陌

白石清溪日尋樂其間門人弟子從游問學矢口從心則尙論古人旁及世故惓惓於天下國家祭酒公耄年無恙父子間相與上下其說麟方在門親見聞之海內名流東西行過縣必求先生之廬造焉以考德問業餘于胡先生叔心天台謝先生鳴治皆不遠數百里而至東洲先生以道學自任督學廣南尊禮白沙及移兩浙則尊禮先生微言至論雖未必盡合然每示諸生以爲高山景行則固有在也弘治初元從臣累薦南京二部黃侍郎孔昭獨薦堪任按察使

卷三

楓山先生實紀

四

退補齋藏板

皆不起某年詔特起先生爲南京國子祭酒先生方遭喪疏力辭孝宗不允聽終制赴官再疏辭不允服闋赴留都視事太學明年上修舉學政之疏并上乞休疏又明年上舉明弊政之疏并上乞休第二疏繼上清理監生之疏正德紀元丙寅上乞休第三疏又以初政上陳言要務之疏并上乞休第四疏是歲之秋再上脩理廟學之疏并以老病不能赴京考績上乞休第五疏遂緘公移呈繳吏部不復待報徑去任尋醫東歸庚午冬詔以南京太常寺卿起先生於家

上疏辭不允再辭賜詔加獎進先生南京禮部右侍郎致仕又疏辭不允先生謂得致其事乃不復辭某年江西盜起鄉以鄰壤戒嚴先生徙居縣城中草閣一棟不能備門堂郡守劉蒞謀割俸爲先生作堂先生固謝劉守以郡城之南溪流西溢爲南市之患將捍之使復故道徒眾既集畚鍤既具先生爲書以天時水勢人情利害陳之劉守爲立罷其事且錄先生之教榜於郡門士民稱劉守改過之勇而頌先生庇民之功劉守又嘗具疏請養先生之老疏煩上劉守以事去方劉守有事之初先生諷當路云某正色敢言怒犯權姦忠存社稷一時風采朝野傾望始以直道而黜繼以直道而起卽欲去之然進退之間亦宜有禮不然恐無以厭公議劉守竟以罪去而天下咸謂不平顧以增劉守之重卒如先生言某年南科給事中徐文溥上疏朝廷感其言詔有司歲時存問務稱優禮耆宿之意巡按浙江御史鮮冕因移郡縣授之直使大書詔語表厥宅里先生謝之尤力論者匪直稱先生之介而彌仰其高先生年踰八十雖齒落

卷三

椒山先生實記

五

退補齋藏板

髮白然視聽未衰而志氣清明議論精確則壯夫不逮也先生長子既沒一孫亦夭仲子未膺身後之傳未有所託人以爲先生憂茲歲二月望之明日乙酉乃生男子戚疏孝穉舉欣然有喜色而相告曰天於先生至是定矣先生世家純孝鄉循義里楓山近先生之居門下士及大夫士不敢斥姓字皆稱楓山先生麟謂先生道德名節風動天下竊更楓爲風間與同門友董遵道卿稱風翁先生體貌秀碩鬚髯奮張聲氣和暢語言侃侃宅心坦蕩而光明不修城府

卷三

楓山先生實紀

六

退補齋藏板

不厲圭角不立門戶望之龐朴卽之和厚聽其言開心見誠近楊休山立氣象持身處事因情以爲質而遜以出之人與之交則親與之言則信或以不情處之亦不逆不億也居官蒞政行所無事及臨大事決大議則問問侃侃據經援古或拯之不得而隨亦以同而異行藏去就度之以時裁之以義而歸潔其身難進易退之風古亦難之今則絕無而僅有也讀書論道作爲文章惟古訓是程辭達而已不爲艱棘刻削之語醇粹和平理勝而味永品第儒先恒以著述

爲功至其自處則培其本原脫略支蔓沖懷奧旨未
易測也天性簡易繁文細故不務剪剪拘拘然禮崇
其本事挈其綱宛然守約家法度偉器宏不見涯涘
包荒藏疾不必得在己失在人於人若不甚別白於
事若不甚可否然界限井井如高山深林巨谷形勢
渾涵而蓄泄雲雨藏伏光怪不可以常物窺也朋舊
還往不問方類與其進不與其退與其潔不保其往
博學多識穎悟之分最高義理微密不費研覃而大
意自見議論所及格言成說剖析無遺在國學時啗

卷三

樞山先生實紀

七

退補齋
藏板

坐丈席諸生履滿戶外各挾卷質疑請益隨問響答
若不經意然皆有發焉衆斂衽嘆曰真經師也燕居
靜坐事無將迎朋從憧憧不屏自絕得何思何慮之
趣爲人寡欲衣服飲食宮室器用隨寓而安百凡嗜
好一不入其心以羈勒視爵祿以雲烟視名寵以污
垢視貨利故富貴不淫貧賤不移折辱不屈自壯至
老玉雪自持厯官卿佐猶蕭然若寒土清風高節天
下仰望金紫輿蓋非踵迹畫錦衣做緼袍非沾名布
被人皆信之蓄德深厚喜怒不形於色恩怨不繫於

心矜伐不出於口驕泰不措於身碩膚不自見小疵不自掩尚絅含章允矣君子以闡然自命可謂稱情矣好賢禮士愛惜人才樂道人之善人之有技若己有之汲引後進惟恐不及顧謂世故推移道術分裂未嘗不以才難興慨也嘗言吾鄉有三巨擔棄道左一道學二功業三文章先進日遠後進難乎其人生蓋以自任而又以厲吾黨小子也麟惟先生名實在上下文章在金石簡編節在出處道在斯文傳於百世必矣況官位尊顯國史宜爲立傳但先生同道

卷三

楓山先生實紀

八

退補齋藏板

之友如一峯白沙東白定山方石文山皆先亡矣門人高弟能形容德美如程門游楊朱門黃蔡當有所屬失今不識後且弗傳麟辱門牆四十餘年先生之道雖未之聞而依歸之心成達之誼不在二三子之後詎敢以猥劣自外故推測彷彿摭拾梗概爲先生著茲小傳俾知德知言者有所採擇云

論曰忠簡之忠旂彝銘功默成之清風節流聲黃之醇柳之卓吳之深宋之博文稱大方金追而玉琢東萊鼎峙北山四傳考亭之派流爲大川先生忠猷壯

節以身殉道遑恤浮沈揆道留鑰則愛君憂國實同
此心勇退急流觚廉玉潔鳳翔千仞羅不可繼介豫
之石坦履之道舍賁之車空瓢大耋此迹於古磨鏡
中書兩輿一轍文辭爾雅自成一家志存貫道視文
人之文邃乎深造學問淵懿以道爲宗蹟探而深鈎
泝麗澤之源爲之揚波觀盤溪之瀾爲之沿流絕學
百世先生始出三立不朽一身兼收魯無君子斯焉
取斯於乎先生亦可以俟後學而考前修矣

先師楓山章先生行實

唐龍

卷三

楓山先生實紀

九

退補齋藏板

予師楓山先生沒之年龍弗預於執紼之哀大有戚
焉今得觀諸君子所爲行狀與述興傳補傳與祠記
咸秩秩然昔明道之葬門人數十人各用所知而自
爲文以述其道庶幾無遺行先生沒後大宰中峰嘗
以是命之且申之曰予撰先生誌銘有待於子之言
其毋怠乃歛歔而言先生姓章氏名懋字德懋稱楓
山者號也先生生而嶷嶷然聰明穎悟書初讀卽舉
其要而再而三終身弗忘其學根據六經尤遂於易
渙然溲然而入焉渺蒐紀載上下數千餘年如見當

時行事及百家諸子之言罔不考究至論舉子學則
颯然於容其志遠矣天順壬午掄魁於鄉丙戌試禮
部劉文安公校其文曰是固茂才乎乃舉會元登進
士第授庶吉士是年狀元實羅公倫道義風節與先
生偕先生在中秘三年凡國家典彝品式章程法制
博綜精覈歷歷無餘緒始先生明於稽古以後稱通
今者亦莫先之尋除編修月餘會元宵舉放燈火爰
命館局賦詩進呈先生以燈火非昭德之器詩賦非
論思之業乃敷古訓陳遠圖以爲疏譽譽千餘言偕
同官黃公仲昭莊公孔暘連署而上之杖於闕下謫
臨武知縣直聲忠概天下想聞乃稱三君子時羅公
抗論時宰起復非經制謫提舉海舶又稱四諫猗歎
偉歎出國門言者申救改南京大理寺評事至則詳
檢刑牘凡鞫讞每務惻隱之實而弗以亟疾苛察相
高廷中稱平焉三年考績疏歸省雖未顯言去而志
有在矣尋陞福建按察司僉事先生曰惟綱惟紀吾
今日任之由是校勘獄牒剪剔吏蠹踣摯官邪疏滌
民瘼百姓獲安寇賊姦宄無所容施于有政澤如也

卷三

楓山先生實紀

十

退補齋
藏板

然性鯁鯁與行部者相齟齬大議大計惜弗獲盡行焉耳歲序卻桃符書於門曰正要鬼神司屋漏何須荼壘衛門庭又題其楹有多病蚤掛冠之句皆以明志也踰三年以考績行遂疏解職浩然不可留天官三詰弗宜去先生三復曰宜去語在補傳中竟得謝年四十有一天下曰賢哉大夫其歸也閉門卻掃跡弗入城府薄田數畝聊以自給而已構樓三間中張布帷左右置經籍日縮而觀之顯曰形器隱曰道德蹟曰事物精曰性命觸類旁通內融而暢於外興

卷三

楓山先生實紀

十一

退補齋藏板

至則振衣躡履散步林壑濯於清泉坐於茂樹其所謂浴沂風雩之樂非邪四方弟子從者如雲執業問難橫經而論道顯賢名公卿巖穴隱者仰正高風接軫於門貧無供具刈蔬脫粟而餉之或諷爲文章曰小技爾予弗暇又有詰弗著述者曰先儒之言至矣盡矣第刪其煩蕪可也家食二十餘年元臣與臺諫論薦無虛月咸以出處卜治亂焉南京國子監祭酒員缺孝宗皇帝灼知先生名故特用焉先生方居父喪乃增置司業虛其席以俟先生終制昭異數也卽

吉再辭弗允始就列首勵教化倡德義明道術著功
令肅儀軌洋洋如也颯颯如也六館諸生握衣而前
離析經訓以敬業辯論治道以定志揚摧古今以知
類錯綜名物以程能猶洪鍾待筵隨其扣之大小而
各盡其聲焉猶渴者飲於河或斗或石斟酌飽滿咸
津津而退正德紀元陳言勤聖學隆繼述謹大婚重
詔令敬天戒五事履霜之辯析矣先後五疏乞歸皆
弗允乃引年以請復三疏始得謝焉未幾陞南京太
常寺卿辭弗允復陞南京禮部侍郎又辭詔許以待

卷三

楓山先生實紀

七

退補齋
藏板

郎致仕謝而不辭禮也癸酉江西盜充斥聲連衢婺
居民洶洶眾強先生徙城中以居而非先生意也壽
考康寧毫修不倦守臣與行部者咸疏先生宿儒者
德宜崇禮秩以風勵天下詔飭有司以時存問嘉靖
中興特陞南京禮部尚書致仕亦從臺臣之請也辭
勿允且降溫旨以學行老成名實相稱褒嘉焉辛巳
歲且暮龍辭先生赴關中任先生留爲其少子接約
婚既成曰汝往往吾及送汝還吾其能待乎其惟悖
彝典翼前修老夫之祝也龍再拜曰敢不授教拉淚

而別時十二月之望矣先生乃於二十日構疾夜星
隕于舍其光炯然除日未時白氣如練氤氳上游申
時先生乃沒壽八十有六存問之使在途而弗及矣
得贈太子少保諡文懿痛哉斯文之戚也先生天挺
其質瑩乎美矣尤學以達本介以辨義養以成性行
以迪德其貌于于要之天下嗜好一不入於心超乎
富貴而藐之真浮雲栩栩爾其詞恂恂及論事決議
明計利害直指是非譬諸黃河懸於崑崙之巔其性
無競於物乃嫉儉夫抗流俗狂瀾滔滔砥柱不拔宿

卷三

楓山先生實紀

三

退補齋
藏板

怨舊惡尤泯泯然而遺焉釋焉退而在野憫時憂國
心未嘗忘環堵蕭然將終其身而無愠色先生恒言
吾愛有鄒魯之風嗟乎明哲日湮道學功業文章三
者橫棄道側誰其任之實以勗吾黨小子龍之不敏
尤數數致望焉龍則曰孰有任之如先生者乎先生
之學務身心而不沈洋於口耳嘗論吾人之形性同
天地之體用又云人心有大有小大心窮理小心慎
獨又云虛無害心又云政體始於格君心又云致中
和可以躋唐虞三代之盛吁有味哉北山諸賢所謂

道學者亦若是爾自編修以至尙書立朝僅四十日
官不過三考乞休凡二十餘疏典刑風烈廉頑而立
懦則曰百世之師可也其匡弼世教防範人心之德
弘矣蓋與忠簡默成各自爲功業可以隱顯論不可
以大小觀也先生所遺有楓山集與鄉賢蘭谿誌諸
篇雖不爲蘄絕奇詭之體以爭長於世皆以意會理
以詞達意大音而聲全玉不琢而文彩自蘊至於諫
止燈火一疏尤在培養君德卽詩書詔其君者無以
過焉視黃宋諸名家之言又不知孰爲後先也龍弱

卷三

楓山先生實紀

丙

退補齋
藏板

冠卽侍先生而今年則艾矣於先生目擊而道存者
也君子曰目擊而道存不可以容聲然則先生豈可
以容聲哉若千百之什一斯可已爾君子其博采焉

楓山章先生行狀

林俊

楓山章先生諱懋字德懋號閭然翁澱濱遺老其晚
年別號也蘭谿純孝鄉人上世自建之浦城來族代
有令人國初起人才不就爲叔良甫公祖也質厚有
鑒識贈朝議大夫南京國子監祭酒爲申甫甫公父
也無擅遂無獨成贈恭人爲吳母也公生正統丙辰

壬午魁於鄉丙戌試禮部爲會元入翰林爲庶吉士
爲劉文安柯竹巖獨與不涉芟潤劉云然詩本諸志
而文本諸道柯固云爾也編修甫四十日偕同官黃
未軒莊定山論上元煙火非是謫先是羅一峰論首
相不當奪情亦謫時稱翰林四諫爲榜得人毛給諫
弘陳御史壯論救改南京大理評事由儒飭吏不腐
不深南入俸視北縮例益以堂隸顧直之羸公獨無
益遷福建按察僉事體仁藏用與道弛張沙尤泰寧
閩漳山海之寇皆有以俘其魁離其黨以默囿完醇
之政而蕢桴土鼓非世觀之習也三年疏致仕以去
尹莊簡固不可三詰而終不變時年四十一人以爲
難旣歸甘貧守道奉親外閉門讀書畢心體認之學
而言必根志志必宜用用必副功楓山授受提挈綱
要以自得悟領之精蓋至是公之得益深士之風爲
之一變學子至不能容白沙一峰定山皆極推與朝
論時有所薦張莊簡儲殖菴潘南山由道味同也孝
宗朝南北闕祭酒倪文毅起謝方石於北公於南時
未終制詔虛位以待旣就官闕示近裏南士意若無

卷三

楓山先生實紀

五

退補齋
藏板

奇比論理道探索隱幽論天下古今事若生其時履其地處分其虧成五經論難若寸筵撞鍾迎手而應然後知書無不讀理若事無不會學政時政有疏勤聖學重詔令敬天戒隆繼述謹大婚有疏武宗朝如此前後兩乞致仕溫旨勉留有老成端謹聞望素著允宜師表之褒既三年三疏請老而自問醫東下南京太常卿辭禮部侍郎又辭既致事愴壬鼓奸綱常易故縉紳罹毒在宗社亦爲之搖公明炳幾先而憂先在位者蓋炳炳焉江西之寇陷浙公移縣城矮屋

卷三

楓山先生實紀

六

退補齋藏板

三間左寢右爨門垣不能備侍御鮮君冕張君縉給諫徐君文溥守劉君蒞時疏舊學者德表以風世詔加存問上入正大統再用言者薦加南京禮部尙書致仕有學行老成名實相稱之褒報至公已牀褥曰噫無以爲報也疾亟與林守有年論古今事與姪贊論君大夫保天下國家之本取士會父子庶幾未旦故居之前星隕申及化辛巳除夕也壽八十六善類相弔皆曰章先生亡章先生亡公仕籍幾六十年官僅三考立朝僅四十日城府不見其迹者四十餘年

義利界軫表坊立第辭之甚峻易深而善於用健取
乾定取履順取巽固取恒粹中貞格真足以歆動一
世表律天下之士夫不知古君子何如配郭恭人善
共艱難先卒子振擴捷孫訢曾孫衢試皆天歿誥不
慧少子接八十二始生今始五歲天固章氏念也壬
午三月癸酉姪方伯君拯奉遺命長山祖塋以祔與
郭氏合既畢事檢其筭文幣數端二婦榘五十石接
尚無遺完名始終其偶然之故哉璽書存問之使及
門已不待賜葬祭贈太子少保謚文懿皆身後之遭

卷三

楓山先生實紀

七

退補齋藏板

事行門人董遵記爲詳所著有楓山集婺鄉賢誌蘭
谿誌所輯有諸儒粹語宋史刊誤未成書俊臭味偶
似出處大致亦殆有同者楓山還往拜里門而參几
杖抵足前席時若有所寄是日何日忍登公之堂哉
景仁之傳後死者之役也捫汨評隲俟立言大君子
碑有道者

伯父闡然翁行述

章拯

翁諱懋字德懋姓章氏世家蘭谿純孝鄉循義里之
渡瀆相傳遠祖自建浦城徙此而譜牒遭燹不詳曾

祖叔良國初以人才取用辭不就官祖邦和父申甫
英果有志識鑒過人遭家多故弗克仕預期子若孫
孰當成立悉如所言以翁貴封文林郎南京大理寺
評事追贈朝議大夫南京國子監祭酒妣吳氏封孺
人追贈恭人翁生正統丙辰幼有異質書數過輒成
誦不忘年十五游邑庠嗜學如渴講易必究其指歸
或謂太邃不利場屋益自信不懈天順壬午中鄉試
易魁成化丙戌劉學士定之主會考讀其卷謂茂才
異等擢第一人刻其文什六七登羅倫榜進士時論

卷三

楓山先生實紀

六

退補齋
藏板

以是榜得人最多而一峯暨翁文學行誼哀然居首
甲倡乙和互相激厲士氣一新選人翰林讀書中秘
劉學士同柯學士潛課其著作翁詩必言志文必載
道往往絕出流輩二公亟許之授官編修甫閱月內
閣分題賦上元煙火等詩公偕同官黃公仲昭檢討
莊公孔暘上疏培養聖德忤旨杖之闕下謫臨武知
縣時稱三君子先是羅公論時相起復被謫直聲震
朝野翁等繼之號翰林四諫既出國門給事中毛弘
論救改南京大理左評事至日取刑書故牘詳閱之

得其要領故議讞精審老於吏事者自謂弗及而守
正不阿雖貴卿弗能奪也三年考最勅進階文林郎
復任疏乞歸省遷福建按察僉事毅然以振風紀爲
己任而事多掣肘不得盡行所志嘗因歲序卻桃符
題其門曰要使鬼神司屋漏不須茶壘衛門庭題其
楹曰無才自愧虛糜祿有病惟應蚤掛冠蓋翁學在
內省志不在外求也翁雖虛心職業顧直以德學顯
而不以吏事名然議處番貨公通貿易以便商福安
聽民採鑛以絕盜海田認納虛稅以便民假託清軍

卷三

楓山先生傳記

九

退補齋藏板

以擒泰寧之寇先行賑濟以平沙尤之賊則又其善
政之卓然者也行部積勞觸瘴成疾恐貽親憂歸志
益堅考績赴部遂求謝事冢宰尹公慰留之辭益力
尹公詰之曰不罷軟不貪酷不老疾如何可退翁矢
口對曰古人正色立朝懋之罷軟多矣古人一介不
取懋之貪多矣古人視民如傷懋之酷多矣年雖未
艾鬚髮蚤白亦可謂老疾矣請舉一退之足矣尹公
憮然驚嘆知其意決特爲具奏得從所請時年僅四
十一人謂急流勇退若水文山高致於翁復見旣歸

杜門謝俗日以娛親玩書爲事安貧守道若將終身
嘗往來楓木庵中遠近學者執經問業門牆林立人
因稱爲楓山先生提學胡公榮嘗卽其近居而相度
之將築書院爲開講之所固謝而止海內名流東西
行過縣必造其廬莊定山嘗稱翁於書無所不讀於
天下事無不理會究極義理精微身體力行惓惓斯
世不爲矯飾周畏齋時可亦云羅一峯嘗稱吾弟德
懋雪力澄山之才也其爲同志稱許如此弘治初元
從臣累薦如尙書張公悅侍郎黃公孔昭御史湯公
鼎姜公洪等皆上疏僉都御史虞公瑤移咨吏部行
勘起用以親老身病辭不就已而御史王公鑑之鄧
公璋主事潘公府復交章舉奏催勘又辭孝宗勵精
圖治任儒宿北監旣用謝公鐸爲祭酒辛酉復特起
翁爲南監祭酒時方遭父喪力辭詔添司業聽終制
赴官再辭不允癸亥服闋赴留都視事太學謹矩度
尙德化厲廉恥六館諸生翕然嚮風豪傑有志者排
日執經質問所疑隨方而答人人自以爲得師姑蘇
尤君樾母病不得歸省晝夜涕泣翁許之歸或謂例

卷三

鳳山先生實紀

二十

退補齋
藏板

阻則曰吾寧以違制受罪不忍絕其母子之情也聞者嘆服尋上修舉學政疏上條陳弊政疏再疏引疾乞休皆不允荷蒙溫旨有學行老成允宜師表之褒正德紀元丙寅覃恩錫誥進階朝列大夫陳言治道要務五事曰勤聖學隆繼述謹大婚重詔令敬天戒深寓忠愛復再疏乞休未允溫旨有老成端謹聞望素著之褒任滿三年踰七十以老病不能赴京給由懇辭遂緘公移呈繳吏部不待報尋醫東歸復三疏始得請時逆瑾擅權名卿多遭斥辱而翁已先幾去

卷三

椒山先生實紀

三

退補齋藏板

矣庚午冬陞南京太常寺卿辭辛未春復陞南京禮部右侍郎辭優詔允以侍郎致仕翁以得致其事不復辭甲戌江西盜起鄰壤戒嚴徙居縣城中草閣一棟不能備門堂郡守劉公蒞欲爲構之復謝免劉守以沍寒之月大發丁夫築堤捍河翁爲書以天時水勢人情利害白之劉守爲立罷其役具錄書語榜於闕門鄉人頌之劉守具疏乞優養耆德以勸士風南科給事中徐公文溥巡按御史鮮公冕亦各上章乞加優禮詔有司時加存問鮮公因移文郡縣表厥宅

里仍勒石鄉賢祠翁謝之尤力蓋其素性不喜標榜也巡按御史張公縉繼至復奏稱翁天下達尊宜有異數辛巳夏恭遇聖天子更新大化特陞南京禮部尙書致仕懇辭不允溫旨復有學行老成名實相稱之褒尋以御史胡瓊言重煥天章遣官存問而翁不及待矣翁以臘月二十日感疾親友子姪更迭問候至屬纊之際無一語及亂傳至邸報不允所辭曰主上特恩敢不祇受惟恨無以爲報耳衢守林公有年至時疾增劇矣臥榻上與論古今天下事甚悉次夕

卷三

楓山先生實紀

三

退補齋藏板

與姪贊論君大夫所以保天下國家常久之道因及春秋列國惟許士會父子庶幾歲除謝親友各同守歲申時遂殂是日未旦鄉人見有星墜所居前山或以爲翁亡之徵云壽八十有六平生襟懷坦蕩不修城府器度宏偉不見涯涘望之龐朴卽之和厚聽其言開心見誠好賢禮士樂人爲善包荒藏疾與物無忤人與之交則親與之言則信或以不情處之亦不逆億也居常無甚異同至臨大事決大議則據經援古確乎不易語事後當成敗率多驗者性尤寡慾衣

服飲食宮室器用隨寓而安百凡嗜好不一入其心
行藏去就以時而動惟義之歸自出身九轉以至八
座然居官不過十年歷俸僅滿三考難進易退之節
世尤高之身雖閑退志存天下每聞進一善人行一
善政則欣然喜否則愀然不寧夜必露天焚香默以
國泰民安親賢遠佞爲禱於民生利病亦懇懇爲上
官言之山林日久講學功深經書微詞奧旨多所剖
析而尤篤信朱子不爲異說所搖作爲文章惟古訓
是程詞達而已無一險棘語然理勝而味永其所雅

卷三

楓山先生實紀

三

退補齋藏板

言謂人形天地之氣性天地之理須與天地之體同
其廣大天地之用同其周流方可謂之人論學者須
大其心胸蓋心大則百物皆通必有窮理功夫心纔
會大又須心小必有涵養工夫心纔會小論學術去
程朱久又大壞矣必須真聖賢出方能救得論政體
第一是格君心收人才固民心爲本然後政事可舉
而行也論世道惟唐虞三代之盛皆是聖人在位致
中和下此一泰一否祇憑氣運推盪耳論家法如鄭
義門兄弟讓死篤義如此其家安得不悠久乎論風

俗須效橫渠復古之志行藍田呂氏鄉約庶可一變而厚論吾婺有三巨擔自何王金許沒而道學不講自忠簡默成逝而功業不彰自吳黃柳宋謝而文章不振後學可不勉哉論居常處困每誦伯夷叔齊餓於首陽之下民到於今稱之之語便覺自警拔論居敬自謂於專一上見功覺得中心無甚放僻邪侈之雜論窮理自謂於精義處得力見得進退辭受之節頗分明不敢放過凡此至論不一而足門人董遵記之尤詳且稱翁學由乾惕德含坤章履道坦坦君子

卷三

鳳山先生實紀

三

退補齋
藏板

謙謙進得泰之彙征退得遯之嘉遯仕得漸之羽儀處得蠱之高尙時止時行其道光明又似得之良馬殆深於易而善用之者也姜僉事麟亦贊翁蓄德深厚喜怒不形於色恩怨不概於心矜伐不出諸口驕泰不措諸身碩膚不自見小疵不自掩以闇然自命可謂稱情矣蓋翁初號闡然居士晚更號激濱遺老嘗欲摘選程朱後諸儒經書粹語以爲集說及刑定宋史之謬患力不足而止惟修縣誌及本府鄉賢祠誌并遺文若干卷而已翁始卒鄉邑知與不知皆爲

流涕親舊咸欲奔訴有司當道以冀恩澤適拯自京
回非翁雅意謝不可乃以壬午三月二十六日癸酉
奉柩歸厝於先壟長山之崗規制雖苟簡而翁所自
營恭人郭氏能佐理家先翁十六年卒亦葬是翁自
爲誌子男振擴捷女順適趙傲孫男訢皆先歿曾孫
男衢繼孫男試亦蚤夭詔不慧孫女娟適郭暄少子
接生五年矣念翁名位年壽不爲不隆而獨後事如
綫未知福善之天竟何如而詔後之碑不可已拯幼
承指授勉以向上事業而不肖無似不能有所奮揚

卷三

楓山先生實紀

五

退補齋
藏板

又恨入仕太蚤奔走四方無以卒承至教雖欲形容
盛美而力有不逮用敢粗述梗概以俟當代大儒立
言君子採而擇焉

先師楓山章先生補傳

董遵

我楓山先生章公道德之高致文章之爾雅進退之
大節同門姜麟仁夫旣傳之矣遵復何言謹述其遺
以補未備云先生自少游邑庠識見高遠不以科舉
學累潛心大業慨然有范文正之志天順壬午中鄉
試易魁成化丙戌先生以會元登第選翰林庶吉士

拜編修一峯羅公以狀元及第拜翰林修撰相與友善上下其議論同榜莊公孔暘黃公仲昭賀公克恭陸公克深謝公元吉鄭公克修自羅倡章和咸相激勵直欲協恭致吾君於唐虞之盛朝廷氣象頓覺一新未幾有元宵燈火事先生與莊黃爭欲論諫時白沙陳先生公甫在京謂入仕初此舉正好閱先生疏簡切二公卽連名同上既忤旨當道且惡遂斥調外聲稱赫然京師號爲三君子先是羅公疏論大學士李公起復之非謫福建市舶提舉直聲震朝野又稱翰林四諫給事中毛公弘因而論救先生得以臨武知縣改南京大理寺評事詳刑明允屢平反大獄不爲勢撓三年考績勅進階文林郎復任疏乞歸省久之推陞福建按察僉事毅然以振風紀爲己任明以折獄威以摧姦吏弊民瘼皆欲一切掃去但上以撫巡諸大吏事多掣肘兼之觸瘴成疾屢有去志以歷俸三年考績赴部就謝病冢宰尹公慰留之先生辭益力尹公詰之曰不能軟不貪酷不老疾如何可退先生矢口對云古人正色立朝某之罷軟多矣古人

卷三

楓山先生實紀

三

退補齋藏板

一介不取某之貪多矣古人視民如傷某之酷多矣
年雖未艾鬚髮蚤白亦可謂老疾矣請舉一退之足
矣尹公憮然知先生意決明日爲具奏得致仕僅年
四十一士君子聞風莫不嘆仰其高而識者猶誦其
見機之蚤也既歸杜門謝俗日以娛親玩書爲事安
貧守道若將終身然猶眷眷焉心在愛君憂國其視
果於忘世者自別先生身雖退而德益進望益隆海
內仰之如山斗名公賢大夫士無論知舊過浙必造
訪焉敬齋胡公居仁南川林公緝熙時稱名儒遠來
請益尤知敬服東洲胡公希仁提學兩浙尊禮先生
卽其近居山而相度之將築書院爲開講之所先生
力謝止蓋素性闇然不喜標榜也遠近學者執經問
難門牆林立遵不敏樞趨且晚先生亟許可教愛獨
至從學於楓木山中三載先生不問寒暑日徒步三
四里至則循循善誘示以聖學大要啓以經書奧旨
從容問答叩竭兩端微而天道著而人事遠而往古
近而來今蓋無所不講無所不究若夫妙道精義有
未可以言說費者必待憤悱而後發之必令深思而

卷三

楓山先生實紀

三

退補齋
藏板

自得之先生且謂吾於此理頗有所見顧未有領者
子其勉之至是諸彥從游日眾高第弟子彬彬輩出
先生門下於斯盛矣弘治初元主事林公沂御史湯
公鼎姜公洪王公鑑之侍郎黃公孔昭交章論薦皆
不起厥後銓曹諸司孫公文王公廷輔黃公寶黃公
浦僉議薦取而蔡公清雅知先生力爲辭焉謂聽先
生堅臥保全令德亦足裨風化況今未能不次擢用
止以纂修起之誠亦不必竟其事矣歲庚申北虜犯
邊主事潘公府上疏獨薦先生繼疏列薦諸公且揚

卷三

楓山先生實紀

三

退補齋藏板

言於當道曰吾浙有三闕典劉伯溫未世封一也方
正學未旌表二也章德懋未大用三也聞者動心恭
遇孝宗厲精圖治任儒宿詔特起方石謝公鳴治北
監祭酒先生南監祭酒東閣大學士謝公因遵南行
屬致意二公聖上眷注當不俟駕且謂風化重地得
吾浙二公爲之師表不亦盛哉二先生後先赴召學
校久隳師道爲之再振先生嚴規矩尙德化厲廉恥
六館諸生翕然嚮風豪傑有志之士尤感化深焉迺
者屬當大慶錫誥褒勸進階朝列大夫滿考三年齒

屆七十至此凡屢疏乞休徑移疾以歸正德庚午皇
上詔起南京太常寺卿辭辛未又陞南京禮部侍郎
辭優詔允以待郎致仕郡守劉公蒞以優養耆德以
勸士風事南科給事中徐君文溥以廣聖恩以崇儒
道端化機事巡按御史鮮公冕以優儒臣以昭國恩
事俱請養先生之老詔令有司歲時以禮存問恩至
渥也劉疏謂某用世之功雖未及究然洗濯貪競感
激懦頑默贊朝廷扶翊世教增重國光轉移士風維
係物望其爲勞烈豈淺淺哉先生同時諸老悉以蚤

卷二

楓山先生實紀

三九

退補齋
藏板

謝惟先生年踰大耋志氣如神不啻魯靈光巋然獨
存永爲斯文砥柱世道著龜謂非天錫大老其誰能
與此竊惟先生德性醇美本自天成學問淵源實由
好古蓋無師傳而多所自得者也莊定山嘗稱德懋
於書無不讀於天下事無不理會究極義理精微身
體力行任道於已惓惓斯世不爲矯飾張東白嘗稱
浙中如章謝人品俱高鳴治還叫噪惟德懋沉靜胡
東洲嘗稱言行相符心膽相照者閩浙間惟德懋一
人吾文山嘗稱章先生乃當時第一流人物陳白沙

嘗稱章德懋有宰相才周畏齋時可亦云羅一峯嘗稱吾弟德懋雪力澄山之才也其爲同志推許如此遵親炙先生而觀之和氣如春風清明如冰壺秋月汪汪如千頃波此則古之有道者氣象而先生皆近似也微言至語遵蚤記爲一錄大抵論人形天地之氣性天地之理須是與天地之體同其廣大天地之用同其周流方可謂之人不然則與天地不相似矣論爲學貴立志必以聖人爲的由孔孟之成法而學焉則庶乎其不差論學者須大其心胸蓋心大則百物皆通必有窮理工夫心纔會大又須心小正如文王小心翼翼一般必有涵養工夫心纔會小論義理無窮不可少有得焉而自足白沙嘗語定山書云泰山爲高矣泰山之上更有天東海爲深矣東海之下更有地論詞章之學治世用之不能興禮樂亂世用之不能致太平論虛寂之學最爲心害後儒雖高明往往溺焉謂自得易簡之妙終莫覺其非論學術自程朱後又大壞矣必須眞聖賢出方救得論世道惟唐虞三代之盛皆是聖賢在位致中和下此則一泰

卷三

楓山先生實紀

三

退補齋藏板

一否祇憑氣運推盪耳論漢大綱正而萬目未舉然大綱亦有未盡正處唐萬目舉大綱未正然萬目亦有未盡舉處惟我大明立國規模宏遠周密大綱無不正萬目無不舉然聖烈神功尤在於驅除胡元一統中夏掃夷狄之陋復禮義之正互古帝王未有高焉者也論文廟祀典以道統言之須進周子兩程子張子朱子於配饗之位庶允當矣論三代以下人物諸葛孔明范希文真是全才猶未免事求可功求成如程朱則是聖賢作用行一不義殺一不辜而得天

卷三

楓山先生實紀

三

退補齋藏板

下不爲矣論世變天地元氣到後來亦衰弱生出人物都厭厭不振少氣節甚至芝蘭亦變蕭艾矣論土習謝疊山有云三代以後世之仕者無志堯舜之治富貴其身而已孔孟以後世之學者無志聖賢之學榮華其言而已論家法必有關雎麟趾之意然後可行周官之法度如鄭義門兄弟爭死其篤誼如此家道安得不悠久乎論風俗嘗欲會同志擇里而居做橫渠復古之志行藍田呂氏鄉約庶可一變而厚論政體第一是格君心收人才固民心爲本然後政事

可舉而行論國朝人物忠誼則方正學文章則宋景
濂政事則周文襄道學則吳康齋論吾婺有三大擔
自東萊何王金許後道學無人擔自宗忠簡潘默成
後功業無人擔自吳黃柳宋後文章無人擔可勝嘆
哉論居常處困每誦伯夷叔齊餓於首陽之下民到
於今稱之便覺聳然自警拔論居敬自謂於專一上
見功覺得心中無甚放僻邪侈之雜論窮理自謂於
精義處得力見得進退辭受之節頗分明不敢放過
凡此至論不一而足遵服膺師訓幾四十年少有愚
得豈敢自昧竊以先生學易之邃窺測一二而贊之
曰先生其殆深於易而善用易者歟學由乾惕德合
坤章履道坦坦君子謙謙進得泰之彙征退得遯之
嘉遯仕得漸之羽儀處得蠱之高尙時止時行其道
光明又似得之良焉噫嘻先生其殆深於易而善用
易者也

先師楓山章先生傳略

唐 鉞

章先生諱懋字德懋蘭谿純孝里人也自其幼時穎
異師授書輒成誦比成童則已遍綜羣籍爲博士弟

卷三

楓山先生實紀

三

退補齋藏板

子而嗜學精深蓋盛寒暑未嘗輟卷其學根據六經而尤邃於易天順壬午鄉舉明易冠等成化丙戌以南宮第一人奏第入翰林爲庶吉士次補編修官得究覽中秘書圖書國家典章法式之籍悉通練習之是時館中多儒賢章先生與修撰羅公倫編脩黃公仲昭檢討莊公景等竝任經濟以氣義相應引古者左右史箴王闕輒上言天下事屬上元縱燈火諸學士皆應制賦詩章先生曰此不足明上盛德也卽與昭景同疏諫忤旨譴責皆斥外先是修撰倫亦坐論宰相起復事得謫時號翰林四諫云尋用廷臣論救章先生從臨武令改南京大理評事三年遷福建按察僉事章先生旣儒重典內外刑司眾疑非所任而先生之在南廷視讞以經律相比附不爲文深亟察而一稱平至是益以風望修振綱紀乃過習吏者閩籍山海姦竊多有章先生下令謹番舶經海田弛鑛禁平沙尤太寧巨寇通商惠工振窮均賦部內大治然竟以廉鯁不能逐時低昂又積勞觸瘴故倦游則因考績至都力引求罷宰臣慰勉留之再三終不可遂

卷三

楓山先生實紀

三

退補齋藏板

致仕蓋年四十一矣其介決如此既歸日奉娛其親
優游貧約湛如也時下惟講誦四方學者執經受業
門下常數十百人賢士大夫之道吳越者必低回造
詣其廬或千里駕至中外大臣交章論薦皆不起於
是海內視章先生出處占時興替矣敬皇帝方尊嚮
師儒有詔徵拜章先生南京國子祭酒而先生方遭
喪力辭朝廷虛位以聽終制章先生感上至意服除
乃奉詔至太學修明教化倡德義厲廉恥飭矩矱著
功令析經藝道訓典博士諸生翕然鄉風正德紀元

卷三

楓山先生實紀

三

退補齋
藏板

章先生首陳治要五事勸天子勤聖學隆繼述謹大
婚重詔令敬天戒既報聞乃乞骸骨疏頻上不允因
輒移疾東出不待報遂歸居頃之逆閹扈擅公卿大
臣多中斥辱者乃始服章先生先幾云庚午以南京
太常卿召辭乃更擢禮部侍郎力謝解則聽以侍郎
致仕始先生家居蓋數十年足不涉闌市會盜起江
西越鄙騷動乃徙家城中其居如寒士金華守欲爲
稍治門堂先生不屑也守與部使者列疏章先生耆
碩宜崇禮以風天下而給諫復從中論之詔有司歲

時禮餽務稱養老意焉今上卽位敕加章先生南京禮部尚書固辭上溫旨褒重且遣行人存問而章先生已邁疾卒於家壽八十有六訃聞詔賜葬祭贈太子少保諡曰文懿其後從金華守言章先生清貧家無遺貲可官給養其孤接比長錄太學生皆異數章先生始稱聞然子晚稱澱濱遺老學者卽所講業楓木山中稱楓山先生先生爲人龐樸長者而蓄德深閱喜怒不形於色德怨不概於心矜虛不出於口驕泰不設於身其長不自見小疵不自掩人與之交則

卷三

楓山先生實紀

三五

退補齋藏板

親語之言則信簡文而疏目恂恂如也坦坦如也至臨大節論事決議據辯確然不可易矣其於勢利紛華一不入其中履素安土無強於世而特喜推汲士類誨導後進如恐不及爲文章不尙工藻取達而止或諷之著述則稱經傳之言至矣學者務反觀深造之故其所著惟發鄉賢志若干卷蘭谿誌若干卷遺文及語錄若干卷藏於家其高第弟子名位顯聞者若干人具見實紀而今越中治易洪範禮風雅論語孟子皆本章先生云

唐鉞曰余讀宋史諸傳病其繁蕪謬亂其細者類門
生家乘裨官之例非太史體至所謂道學傳者乃復
標異於儒其所揄揚欲過聖賢近乎誣矣疑不足傳
信及觀章先生所著有宋史刊誤書未成編求之已
逸迄不得其所指章先生其學本尊信宋儒而其行
事持議特平實簡易不矜立門戶其貶少宋史固以
是與蓋其所詣深矣其詳載實紀語中而門人所爲
傳顧在其未卒前而復多贅語余乃謹次其行履之
大者如此章先生既尊顯國史當序列其傳非學者
所得私然先生叢談小物舉有可師學者得備覽其
書考焉至其立朝治官進退廉節卓然稱其好學可
爲一代鴻儒矣

卷三

楓山先生實紀

三

退補齋
藏板

楓山章先生實紀卷之四目錄

外傳

棘寺名宦傳

林希元

太子少保章文懿公傳

鄭曉

章楓山先生傳

李禎

卷四

楓山先生實紀目錄

退補齋
藏板

章楓山先生傳

太子少保章文懿公傳

棘寺名宦傳

楓山章先生實紀卷之四目錄

楓山章先生實紀卷之四

郡後學胡鳳丹月樵校梓

棘寺名宦傳

林希元

公諱懋字德懋號闇然翁晚號激濱遺老蘭谿純孝鄉人也上世遷自建之浦城入國朝有叔良者以人才徵不就公之曾祖也叔良生邦和邦和生申甫申甫生公母吳氏公生而岐嶷資性穎異書數過輒成誦不忘年十五補博士弟子嗜學如渴治易務深入或爲進取憂公曰當有巨眼者自信不惑天順壬午

卷四

楓山先生實紀

一

退補齋藏板

魁鄉試丙戌中會試首卷劉學士定之主考果物色焉登殿試二甲改庶吉士入讀中秘書成化丁亥冬除編修月餘會元夕內府張燈命館局分題賦詩公謂燈火非昭德之器詩賦非論思之業與編修黃仲昭檢討莊景上疏諍之忤旨命杖於闕下俱謫官直聲震朝野時稱三君子先是修撰羅倫亦以論元宰奪情謫又稱翰林四諫公知臨武以言者論救與黃仲昭俱改南京大理評事既至留心職業日取刑書故牘詳閱之遂至精練庶獄評讞老吏自謂不及法

所當執雖貴卿莫奪也南俸入視北爲縮例益以堂
隸顧直之羸公獨無益三年考績遷福建按察僉事
閩有番舶銀鑛屢爲患公至建議許民與番互市夷
商兩便弛銀鑛禁聽民採取不復盜患遂息浮稅病
民令以海田抵之泰寧寇作梗託清戎擒捕悉就擒
沙尤飢盜起開倉賑濟卽時解散善政種種都御史
張瑄分陝福建雅重公每事必咨巡察有不相得者
加之蠲厲成疾因有去志考績至京遂疏致政吏部
尙書尹公旻固留不可三詰而終不變乃可之時年

卷四

楓山先生實紀

二

退補齋
藏板

四十一至家卽杜門足不至府城奉親之外日惟讀
書講學爲事甘貧守道若將終身學士有志者束修
請誨無間遠近常往來楓木庵中學者稱曰楓山先
生廷臣交薦孝廟初政圖任儒宿北以謝公鐸爲祭
酒南以屬公公方在制添設司業虛缺以待及就官
開示近裏南士意若無奇久之先德化整規條勤答
問師道頓改六館之士始帖然心服恨得之晚姑蘇
尤樾母病例莫歸省日夜悲泣公令歸或言公曰吾
寧以此獲罪不忍絕其母子之情也人益歡服兩疏

學政時政宿弊不報再疏乞休不允正德改元陳勤
聖學隆繼述謹大婚重詔令敬天戒五事先後五疏
乞休又不允居無何引年以請凡三疏始允尋轉南
京太常寺卿辭進南京禮部侍郎又辭詔許致仕公
既退而逆瑾之難作縉紳相繼蒙禍人尤服其先見
當道咸疏公耆儒宿德詔有司歲時存問以風天下
嘉靖改元陞南京禮部尙書致仕辭弗允辛巳歲且
暮忽構疾親朋子姪更迭問候至屬纊語不亂衛守
林有年至疾已劇臥榻上與論古今天下事甚悉次

卷四

根山先生實紀

三

退補齋
藏板

夕與姪贄論君大夫保國保天下之道因及春秋列
國名卿惟許士會父子庶幾歲除令親友各歸守歲
嚮晦遂歿年八十六是日未旦有星墜所居之前山
不修城府度量汪汪不見涯涘與人言輒露肝膽人
與之言則信與之交則親或詐亦不逆億也見人有
善不啻在己汲引後進惟恐不及居常無甚異同至
臨大事決大議是非可否確乎不拔性寡嗜慾衣服
飲食宮室器用隨遇而安薄田僅自給不求增益儼

受取與皆必以道出處去就尤不放過一毫不慊萬
鍾弗顧故自翰編以至八座立朝僅四十日官不過
三考乞休凡二十餘疏難進易退非特今世古亦難
之其心常在天下每聞進一善人行一善政喜動顏
色否則愀然不樂夜必露天焚香默以親賢遠姦康
國庇民爲禱民生利害輒爲上官言之其學以關閩
濂洛爲宗本之自得非有傳授亦問氣所鍾宇宙有
數也於書無所不讀於天下事無不理會要在精究
而力行之不落口耳不涉支離故能眞見獨到洞貫

卷四

楓山先生實紀

四

退補齋
藏板

道妙其發之議論精實切當多有前賢所未發者嘗
謂人心有小大大以窮理小以慎獨謂學術去程朱
已久又大壞必須眞聖賢出方能救得謂文廟祀典
須進周子兩程子張子朱子於配享之位方允嘗謂
天地元氣到後來亦衰弱生出人來都厭厭不振謂
政體始於格君心收人才固民心格言至論不一而
足皆其所獨得者一時間同志若羅一峯胡敬齋謝方
石莊定山諸公皆極推許諸公皆蚤世惟公年踰大
耄巍然獨存殆天壽之以壽斯道也文章不甚求工

達意而止或以相諷曰小技爾予弗暇或勸以著述
曰先儒之言至矣盡矣又何加焉第刪其繁蕪可也
嘗欲摘選程朱後諸儒經書粹語爲集說及刊宋史
之謬患力不足而止生平所著惟蘭谿金華鄉賢祠
誌及遺文數卷而已子孫皆夭歿少子接晚始生公
歿方五歲贊曰余觀楓山先生翰林一疏立朝大節
表表在人厯官所至雖未盡見其設施皆不與俗同
參以平生議論其胸中所存與經濟大略因可概見
使得盡見之行功業當未易量而志卒弗酬是則世

卷四

楓山先生實紀

五

退補齋藏板

道之不幸也要其心拳拳在天下豈果於忘世者其
所以難進易退必有其故矣然鴻羽鳳毛聳當時而
風後世且使今世仕者猶知聖賢出處去就之義古
道不至於淪喪其功比之兼善豈可以多寡論哉考
其學問淵源殆可以接四先生之席而爲朱門之游
夏其拳拳以道術分裂程朱去遠爲慮又謂婺有三
巨擔業道左無人擔則其憂道之心與其所以自任
之意隱然見於言外矣

公名懋字德懋蘭谿人成化二年禮部貢士第一公少游庠校讀書學問負經濟志略然不自衒露進士入翰林爲庶吉士逾年除編修內庭張燈下詞臣賦詩公謂莊昶黃仲昭曰國家無事海宇治安內庭燃燈朝士踏歌傳之往史已非盛事此蘇長公所以有疏而深惜其君之不用也今天子仁聖孝奉二宮將以備耳目之娛極天下之養則斯舉固足以爲樂然大孝養志吾輩盍諫明日三人同上章以培養聖德爲言上怒杖三人闕下左遷知臨武縣稱三君子時

卷四

楓山先生實紀

六

退補齋藏板

羅一峯論內閣大臣起復非禮亦謫官又稱爲翰林四諫公未行給事中毛玉論救改南京大理左評事一考陞福建按察僉事毅然以振風紀爲己任雖盡心職業顧直以德學顯而不以吏事名其議處番貨通貿易便商聽福安民採鑛絕盜託清軍擒秦寧之寇先賑濟平尤沙之賊善政卓然一考至吏部乞致仕時年四十一閉門卻掃跡弗入城府四方弟子執業問難顯賢名公卿巖穴隱士仰風接軫貧無供具刈蔬脫粟餉之家食二十餘年公卿臺諫累薦弘治

十二年召謝文肅公爲北監祭酒十四年召公祭酒
南監時遭父喪力辭詔增司業員聽終制赴官十六
年服闋上任謹矩度尙德化厲廉恥諸生翕然向風
尋上修舉學政條陳弊政二疏正德元年陳言治道
要務五事曰勤聖學隆繼述謹大婚重詔令敬天戒
再疏乞休未允任滿三載疏引年不待報歸復三疏
始得請五年陞南太常卿辭六年陞南禮部侍郎辭
致仕嘉靖初進南禮部尙書致仕公平生襟懷坦蕩
不修城府器度宏偉不見涯涘望之龐朴卽之和厚

卷四

楓山先生實紀

七

退補齋
藏板

聽其言開心見誠好賢禮士樂人爲善包荒藏疾與
物無忤人與之交則親與之言則信或以不情處之
亦不逆億也居常無甚異同至臨大事決大議則據
經援古確乎不易性尤寡慾衣服飲食宮室器用隨
遇而安百凡嗜好一不入其心行藏去就以時而動
惟義之歸筮仕九轉至八座居官不過十年歷俸僅
滿三考難進易退之節世尤高之嘗論學者須大其
心胸蓋心大則百物皆通必有窮理工夫心纔會大
又須心小必有涵養工夫心纔會小論學術去程朱

未久又大壞必須眞聖賢出方能救得論政體必先
格君心收人才固民心爲本然後政事可舉論世道
惟唐虞三代之盛皆是聖人在上致中和下此則一
泰一否祇憑氣運推盪耳論家法如鄭義門兄弟讓
死篤義如此其家安得不悠久乎論風俗須做橫渠
復古之志行藍田呂氏鄉約庶可一變而厚論居敬
自謂於專一上見功覺得心中無甚放僻邪侈之雜
論窮理自謂於精義處得力見得進退辭受之節頗
分明不敢放過姜僉事麟贊公喜怒不形於色恩怨
不概於心矜伐不出諸口驕泰不措於身碩膚不自
見小疵不自揜以闇然自命可謂稱情矣楊文恪公
曰儒雅如黃未軒豪邁如莊定山公斂華就實獨立
其間風節如羅一峯習靜如陳白沙公旣博復約自
成一家至於收四海無瑕之譽膺五福無疆之年此
則同時諸老未有或之先者也嗚呼在漢東都不爲
危言之叔度在宋鷺湖不立異論之伯恭公之謂矣
羅文莊公曰天高日朗公之襟懷地負海涵公之問
學德容之溫潤則甘雨和風氣象之尊嚴則泰山喬

卷四

楓山先生實紀

八

退補齋
藏板

嶽萃精誠於月窟天根悟至理於鳶飛魚躍臺臺焉
無時不勤休休焉無日不樂此欽順之於公蓋未易
爲之形容而粗能狀其大略者也卒年八十六贈太
子少保諡文懿子孫皆天歿晚生子接公卒時方五
歲恩給月米贍養比長錄太學生官至太僕行卿

章楓山先生傳

李 禎

章懋字德懋浙江蘭谿人幼抱經濟志略勉力學問
閭然不自衒輝鄉人偕之恂恂如也成化丙戌舉南
宮進士第一讀書中秘踰年官編修與羅倫諸人相

卷四

楓山先生真貌

九

退補齋
藏板

友善下上其議論直欲協恭致君唐虞之盛朝廷氣
象頓覺一新屬燈節內廷設驚山命詞林賦詩懋與
同院莊昶黃神昭謀曰國家無事海宇晏寧張燈踏
歌往事可鑒兩宮養志爲大備此耳目豈足至樂此
蘇軾故事而深惜其君之不用也蓋諫之明日三人
疏上杖闕下懋謫知臨武縣人稱三君子時有羅彝
正事又稱翰林四諫會科官毛玉申救改南廷評一
考僉福建臬司振風紀盡心職業議番貨通商貿聽
民采礦以絕盜資託清軍擒秦寧之寇先賑濟平尤

沙之賊善政卓然行部積勞觸瘴成疾恐貽親憂滿
赴部上考年四十一卽乞致仕尹宰詰之曰不罷軟
不貪酷不老病如何去對云古人正色立朝某罷軟
多矣古人一介不取某貪多矣古人視民如傷某酷
多矣年雖未艾鬚髮蚤白可謂老疾矣尹憮然驚嘆
從所請去閉戶卻掃迹不入城市四方弟子執經問
難造就弘多顯名公卿巖穴隱士仰風接軫貧無共
具刈蔬脫粟餉之一日同內人居城宅本縣勾攝一
罪犯經門逕入宅後從天福山逸去差人作鬧令自

卷四

楓山先生實紀

十

退補齋藏板

至內房尋之不獲亦從後門上山去略不動色田間
諸子躬操器治農邑令過訪諸子輟耕跪迎家食越
二十年臺諫累薦會北缺祭酒倪文毅起謝文肅於
北起懋南京遭父喪力辭不赴旣闋之任德化架樓
儼爲士子師其子自金華徒步來省道逢巡檢笞之
已知請罪懋笑曰吾子垢衣敝履宜爾不識也尋條
學政弊政二疏武宗初陳治道五事曰勤聖學隆繼
述謹大婚重詔令敬天戒再疏乞休未允任滿三載
疏引年不待報歸復三疏始得請五年陞太常卿辭

六年陞南禮部侍郎辭致仕嘉靖初進南禮部尙書致仕懋平生襟懷坦蕩不修城府器度宏偉不見涯涘望之龐朴卽之和厚聽其言開心見誠好賢禮士樂人爲善包荒藏疾與物無忤人與之交則親與之言則信或以不情處之亦不逆億也居常無甚異同至臨大事決大議則據今援古確乎不易性尤寡慾衣服飲食宮室器用隨寓而安百凡嗜好一不入其心行藏去就以時而動惟義之歸筮仕九轉至八座居官不過十年厯俸僅滿三考難進易退之節世尤

卷四

楓山先生實紀

七

退補齋藏板

高之嘗論學者須大其心胸蓋心大則百物皆通必有窮理工夫心纔會大又須心小必有涵養工夫心纔會小論學術去程朱未久又大壞必須眞聖賢出方能救得論政體必先格君心收人才固民心爲本然後政事可舉論世道惟唐虞三代之盛皆是聖人在上致中和下此則一秦一否祇憑氣運推盪耳論家法如鄭義門兄弟讓死篤義如此其家安得不悠久乎論風俗須做橫渠復古之志行藍田呂氏鄉約庶可一變而厚論居常處困每誦伯夷叔齊餓於首

陽之下民到於今稱之語便覺警拔論居敬自謂於
專一上見功覺得心中無甚放僻邪侈之雜論窮理
自謂於精義處得力見得進退辭受之節頗分明不
敢放過姜僉事麟贊公喜怒不形於色恩怨不概於
心矜伐不出諸口驕泰不措於身頑膚不自見小疵
不自揜以閭然自命可謂稱情矣豐城楊廉有曰儒
雅如黃木軒豪邁如莊定山公斂華就實獨立其間
風節如羅一峰習靜如陳白沙公既博復約自成一
家至於收四海無瑕之譽膺五福無疆之年此則同

卷四

楓山先生實紀

十一

退補齋
藏板

時諸老未有或之先者嗚呼在漢東都不爲危言之
叔度在宋鵝湖不立異論之伯恭公之謂矣莊景稱
其無書不讀天下事無不理會周畏齋時可亦云羅
彝正嘗稱吾弟德懋雪力澄山之才也年八十六號
楓山故學者推尊咸稱楓山先生云贈太子少保謚
文懿子孫多未壽惟子接特恩與國子生天不殒元
德如此從子拯有才行歷官工部尙書

論曰楓山山林日久經書微詞奧旨多所剖析其篤
信朱子不爲異說所搖尤爲有力名教作爲文章僅

程古訓辭達而已不事險棘語方就官南雍口南土
意若無奇比論道理探索幽隱論天下古今事若生
其時若履其地處分其虜成五經論難若寸筵撞鍾
迎手而應士咸讐服然則以闇齋自命固其宜也
贊曰難進易退重內輕外匪曰矯時惟義所在樂此
天倫甘此道腴闇然日修爲君子儒

卷四

楓山先生實紀

三

退補齋
藏板

楓山章先生實紀卷之五目錄

祭文

林俊

楊廉

費宏

羅欽順

湛若水

祝鑾

張恩

邵銳

陳德鳴

鄭毅

于鏊

張琥

姜麟

汪國楠

卷五

楓山先生實紀目錄一

退補齋藏板

于鏊

張琥

姜麟

汪國楠

張恩

邵銳

湛若水

祝鑾

費宏

羅欽順

林俊

楊廉

祭文

楓山章先生實紀卷之五目錄

楓山章先生實紀卷之五

郡後學胡鳳丹月樵校梓

祭文

林俊

嗚呼道有界畛時有機綜鳳衰麟踣飛走吟弄居醇
守樸吾道不孤柴桑方格易洞門徒一代完人兩間
正氣立懦廉頑大雅風味白首時化徬徨艱貞言厲
世責幸遭聖明存問疊稠斯生斯日既老既病收焉
以寂歲陰殘燭弱子拜前寒落可念悠悠蒼天昔也
何來今也如夢一老不慙典刑之慟

卷五

楓山先生實紀

二

退補齋藏板

又

楊廉

嗚呼儒雅如黃未軒豪邁如莊定山公則斂華就實
獨立其間風節如羅一峯習靜如陳白沙公則既博
復約自成一家至於收四海無瑕之譽膺五福無疆
之年此則同時諸老未有或之先也嗚呼在漢東都
不為危言之叔度在宋鵝湖不立異論之伯恭今求
其人容非公乎廉過公里弗克備儀茶酒一酌為我
鑒之

又

費宏

嗚呼儒者之學莫先於義理體道之實在養其性情必此心之無僞如赤子之純明斯表曝同符而初終一轍言行相顧而德業可成此坤之直內在於以敬而乾之閉邪所以存誠也惟公稟天地之淑氣萃河嶽之英靈沉潛正學討論遺經志惟切於道義動必合乎準繩彼徇俗之富貴與諧世之功名凡眾之所爭趨而力奪乃公之所厭薄而羞稱其進也以引君當道爲急而忠言讜論已著聞於筮仕其退也以安貧守道爲樂而清風高節尤重於公評左遷而出未

卷五

楓山先生實紀

三

退補齋藏板

嘗以爲辱被召而起未嘗以爲榮惟操存之篤實故樹立之堅貞斯文恃之以爲元氣學者尊之以爲儀刑宏夙仰山斗幸及門牆每覲德而心醉且清誨之屢承辛未之秋赴召北行停舟侍教至於深更上拳拳於君德下數數於民生蓋老成之忠懇猶雅意於朝廷胡昊天之弗弔忽者舊之殂傾昔也聞公之訃驚悼而無已今也過公之里益淒惻而難勝喜遺孤之有立見天道之足徵抒哀悰於一詠庶感格於幽

冥

上備卷之學莫夫欲美聖賢道文實各卷其卦卦

又

羅欽順

嗚呼天高日朗公之襟懷地負海涵公之問學德容
之溫潤則甘雨和風氣象之尊嚴則泰山喬嶽萃精
誠於月窟天根悟至理於鳶飛魚躍亶亶焉無時不
勤休休焉無日不樂此欽順之於公蓋未易爲之形
容而麤能狀其大略者也公之發身則聽歌鹿鳴省
元甲第吉士蜚聲公之歷官則翰林編纂評刑僉臬
司成六館然而滿考之書恒少居閒之日甚長惟公
論之交附肆屢贍於薦章朝廷方急於用賢由司成

卷五

楓山先生實紀

四

退補齋
藏板

三遷而正位宗伯公尤篤於自信自南雍一退而終
老故鄉此欽順之於公蓋未易詳其本末而麤能道
其行藏者也藻思雄文忠言讜論臨事惟公孰恩孰
怨何王金許上邇程朱正傳斯在之死弗渝其所未
爲付之猶子出入門牆矧多良士世有三立公其近
之九原奚憾千古爲期欽順筮仕之初公方高臥竟
以菲才忝爲公佐夕炙晨薰膏枯起惰巨海纖鱗欣
然自賀研窮性命商略古今何遠何近何高何深奉
違彌久懷仰弗任每憑過客貽我好音聞訃南銓方

圖遺奠家問驚心未果如願奄罹大故孤露筑筑迄
茲累歲徒抱微誠墓道春風青回宿草翼翼新祠柏
題蘭椽敬遣頑兒薦茲蘋藻短誄無文中忱是倒

又

湛若水

夫子之生天篤其性不揉而直柔順中正人曰克溫
溫而亦厲表裏如一人已無異誠意惻怛動以感人
人爲之盡罔有後言人曰好人世如公者如彼美玉
疇貴其賈如彼汪汪不撓以澄公之器量本自天成
肆博於學無所不窺近繼金許遠宗宣尼粵自蚤歲

卷五

楓山先生實紀

五

退補齋
藏板

大魁春官詞垣抗疏忠以勗君自茲落職解官廷評
受知孝廟司成是徵公在司成陳復古道眾或嗤迂
誰惜斯寶水也無知昔遊太學課公異禮夙夜有恪
考文晬盜謂予老友豈茲一第足爲子有水忝詞垣
承嗣教音神思會晤羹牆實欽奉命於南兩過蘭谿
命於連榻議論發揮身處江湖心在王室蒼生之憂
十慮八七憂病還鄉蒙公寄聲老不數見北來浙行
臥樵八載終焉長已詎意聖朝承此召旨國有大事
借重公言道入江右訃音以傳萬一不泯魯有靈光

天不憖遺以師帝皇慎終於始終於三冬三達五福
可謂兼隆千里奔哭室是人非獨有典刑谿蘭猗猗
私心許與莫踰季札絮酒微詞哀誠以達惟夫子其
鑒之

又

祝 鑾

嗚呼憶鑾也之弱冠聞夫子之令名瞻門牆而未及
耿余懷其若醒咀英華於著述迺道德之淵泓爰皇
覽於今世洵伊誰之興京粵歲在乎辛己曾弭節於
江城步蘭皋以晉謁策鳩杖而我迎骨稜稜兮殊健

卷五

極山先生實紀

六

退補齋
藏板

語欵欵兮有情著殷勤於顏面肆高論於話評欣傾
蓋之何幸願執鞭以隨行獻雕蟲之末技愧蟋蟀而
秋鳴冀時雨以霑足同珍卉以暢榮流湯湯而西逝
星煌煌而晝明走或取於蕭艾亦何擇於杜蘅倏浮
雲以披蕩仰羲暉之普明麒麟出以呈祥耆舊登而
迓衡赫天書以存問儼四牡其載征僊馭溘其長邁
獨鶴悽而悲鳴慨古人之不作胡王道之底平維典
刑之尚在諒迄用之有成固夫子其未死歷萬古而
流聲舟楫停於激水笑貌挹於牆羹聊陳辭而致奠

冀陟降而在祐

又

張恩

惟公廟堂偉器湖海儒宗約而不肆宏而能容詩書
根其領要名物會其大同蚤占秋闈問學富士林之
美繼魁春榜文章擅翰苑之工出入乎周情孔思洋
溢乎禹跡堯封職典邦儀禮樂布文明之化師模胄
監賢才荷陶冶之功几案絃歌夜月門牆桃李春風
志炳先幾聖雅懷於石介壽綿遐筭躋重望於山崇
恩等承乏茲土仰止遺踪行將覲德容之盛於杖履
之末何景行之願未遂而曰維令終爰潔禮幣緘辭
是庸以告以奠以達微衷惟幽冥之昭格庶誠敬之
感通

又

邵銳

惟公德容粹然道履坦若時止時行不愧不怍銳也
無似幸出公門德音孔昭亦竊與聞公茲已矣孰克
起之一代之望百世之師

又

陳德鳴

惟公山川間氣科甲奇才茂敷中外名溢九垓位司

卷五

楓山先生實紀

七

退補齋藏板

成而模多士迺急流而賦歸來帝心簡在秩宗崇階
方優游於洛社遽奄息於夜臺散金完璧生榮死哀
德鳴觀風茲土悠悠孔懷惟大老之存亡關斯文之
盛衰臨棺薄奠嗚呼哀哉

又

鄭毅

嗚呼嘅正學之不講委吾道於荆榛爰尙友乎千古
曰緬懷乎斯人惟婺州之名區號人文之淵藪仁山
生於蘭谿朱學授於何叟公崛起於後代實景仰於
前修恥俗學之鹵莽將銳志於鑽求羌何深之弗探

卷五

楓山先生實紀

八

退浦齋
藏板

亦何遠之弗卽方兀兀以窮年矧乾乾以終日夫旣
飫於仁義遂肆暢於英華以明經而掇第以進士而
發家陟玉堂兮逍遙操彤管兮紀載吐危言以無難
雖九死其奚悔宰花封而惠愛列外臺而激揚成均
資其模範多士育於門牆竟厭世之勞拏遄歸老於
林壑踞長松兮白雲盼千里兮黃鶴值嘉靖之更化
急耆舊之是需天書賁於閭里重望式於士夫肆殫
節於薇藩願摳衣於芸室胡棄我而遐征欲領教而
未得誦微言以咀嚼仰芳躅而踟躕儻心事之靡爽

將昕夕而與俱肅辦香兮心盟酌玄酒兮太素諒德音之在茲庶髣髴其來顧

又 于 整

嗟惟先生學殖道館行純文郁羽儀三朝范忠魯肅丹心凜持議之戈直氣昌納忠之牘樂化成均禮芟繁尊槩樂道以歸田乃立言而範俗嗚呼先生觀化體全返垢還復使邦國無以為著龜時人無以為耳目賢士大夫何所式廬而登龍田夫野叟何所祝餐而持軸是不能無遺憾也已整未遂仰瞻實厯私淑香山峩峩香溪淅淅敬奠一觴以伸疇宿

卷五

楓山先生實紀

九

退補齋藏板

又 張 琥

有可以起頑夫其教斯昌有可以命天下其聞斯揚古所謂清德為朝廷尊禮吾知夫子其人也而又奚讓乎襲其芳今天子乃雍嘉靖我邦維茲舊臣相率而同升矣失此元老空其帝京嗚呼此景仁之所以如山之巒也昔琥從諸生之後謁夫子於南雍蓋敦尚乎名節亦樂育於春風既蒙天子抽擢則思所以砥礪將無負於公也今把一麾涖兩浙泰山有瞻曰

維頽矣靈鳳有觀曰維衰矣不見哲人情其哀矣臨
風一尊神髮鬻其來矣

又

姜麟

嗚呼古之碩儒以道爲學道成德尊爲世先覺先生
之道觀水有瀾海內宗之北斗泰山古之高人浮雲
富貴晚視軒裳顧以爲穢先生之官始黜於忠屢遷
屢辭未受秩宗古之廉夫糞土貨殖寒不可衣饑不
可食先生之操玉潔冰清污萊十畝無以爲生古之
作家搜奇騁博韶鈞之鳴虎鳳之躍先生之文六籍

卷五

楓山先生實紀

十

退補齋
藏板

沈酣不鹽不醯菽粟餘甘古之大臣計安社稷勲代
垂光刻之金石先生之功立懦廉頑百世流風磨之
不剝重惟吾鄉二三先正立功與言立德尤盛百年
已來日遠日湮孰抗仔肩先生其人先生有言平生
攸憾道路之周遺三巨擔北山之道忠簡之忠默成
壁立黃柳金春先生一身眾美咸備允紹前修豈獨
名世哉哉一峰淵淵江門慙遺一老封殖斯文麟從
先生年未三十先生不鄙謂可與立亦聿旣耄猶未
有聞

以辱師門幸茲暮年日陪杖屨奧義

微言講之屢歛入室之戈若摧其鋒作舍之譁若折
其衷籌策物情有常有變權衡推移萬里如見討論
世故有古有今愛君憂國天下爲心先生之身堂堂
大臺雄辨高談斂爲親切清明在躬志氣如神先生
之心赤子之真先生之處在達之羽其風其聲爲世
規矩先生非窮在田之龍其進其退小時污隆先生
之生天意有在先生之歿消息甚大先生之病星隕
庭中衡門之外白氣如虹先生之世孤孩二尺衰麻
纍然見者心戚豈曰無子不永其年豈曰無孫折弗
及延先生盛德宜祀百世接也接之有引無替遺書
千卷尙庇其孤形影相弔其哭鳴嗚瞻仰門牆儀形
渺漠茫茫九原其何可作先生已矣哲人其萎天地
俯仰與我其誰緬懷先生我行踽踽悵乎無依老淚
如雨靈車將駕住宅幽宮執紼以從割馬予哀薦食
有殼薦心有酒麟於先生世外師友言不盡意布之
此文先生如在聞乎不聞亡不隨死死何足訝修身
以俟之尙相從於地下嗚乎哀哉嗚呼痛哉吾道之
窮豈爲先生慟哉

卷五

楓山先生實紀

十一

退補齋
藏板

又

汪國楠

維古藝之道脈衍洙泗之淵源歷何王與金許復接
武於先生生也三朝耆碩沒也百代斗山晉承帝命
勅建額祠煥崇儒之棟梁新吾道之日月某等守官
茲土景型無疆修嘗祀於仲春永聖典於有赫

卷五

楓山先生實紀

三

退補齋
藏板

楓山章先生實紀卷之六目錄

明南京禮部尚書贈太子少保謚文懿楓山先

生章公墓誌銘

羅欽順

像贊

門人湛若水

理學名臣錄贊

楊廉

贊

莊起元

卷六

楓山先生實紀目錄

退補齋藏板

贊

歷學谷田經贊

康致元

贈贊

生章公墓請諭

門人湛若水

明南京禮部尚書贈太子少保謚文懿楓山先

生章公墓請諭

楓山章先生實紀卷之六

郡後學胡鳳丹月樵校梓

明故致仕南京禮部尙書贈太子少保諡文懿

楓山先生章公墓誌銘

泰和羅欽順

公姓章氏諱懋字德懋世居蘭谿純孝鄉之渡瀆至公始顯成化初翰林有四諫之稱公其一也其三人爲吉豐羅公倫莆田黃公仲昭江浦莊公景羅公首上扶持綱常一疏公繼草培養聖德疏借黃公莊公上之所言皆切於治化本原雖相繼外補而直聲大

卷六

楓山先生實紀

一

退補齋藏板

著士氣勃興至於今未衰也四諫齊名而公最壽蓋享年八十有六官累進至南京禮部尙書而卒其卒也制贈太子少保諡文懿賜祭與葬卹典之厚近時所稀有也嗚呼是豈可以幸而致哉公生正統丙辰天資穎異讀書數過卽成誦長益嗜學淹貫羣籍尤深於易天順壬午鄉舉易魁成化丙戌試禮闈爲劉文安公所賞識擢冠多士廷對賜進士出身改翰林庶吉士文學益進丁亥冬授編修內閣循例課上元燈火詩進呈公謂燈火非昭德之器詩賦非論思之

業遂因事納忠疏入忤旨調臨武知縣言官論救改
南京大理評事日取刑書及故牘玩之具得其要領
每有論駁人服其平滿三年得告歸省陞福建按察
僉事毅然以振揚風紀爲己任嘗議處番舶均海田
弛鑛禁假清軍以擒秦寧劇寇急賑濟以離沙尤賊
黨皆有實惠及民然事多掣肘不得盡行其志殊不
樂也滿考入覲遂懇致其事而歸歸則日以娛親爲
事稍暇輒讀書楓木庵中從其遊者日益多隨材誘
引醇醇不倦學者因稱爲楓山先生士夫道過蘭谿

卷六

楓山先生實紀

二

退補齋
藏板

得一見公無不欣慰家居二十餘年所造益深守益
固侍從臺諫交章論薦前後不啻十數孝廟因熟公
名辛酉夏特起公爲南京國子祭酒會遭父喪辭不
拜詔復置司業攝學事以需終制又辭不允乃赴任
名高望重尊尙德化寬大中自有規矩諸生質疑請
益無不響答或泛而不切務令收斂近裏士皆慚服
凡學政所宜興革者次第以聞率從其請正德紀元
陳言五事曰勤聖學隆繼述謹大婚重詔令敬天戒
皆切時務會逆瑾擅權紀綱日紊公浹以爲憂前此

嘗三疏乞休皆被溫旨勉留及滿三年以年踰七十連章請老甚力上乃從之瑾勢益張縉紳多被其摧折於是始羨公之明決也庚午冬復起爲南京太常卿辭辛未春陞南京禮部右侍郎又辭詔聽以侍郎致仕乃受命今上卽位言者請待公以異數特陞尙書致仕懇辭不允有學行老成名實相稱之衰繼遣行人王懋賞勅存問而公已不待矣疾且亟臥與林守有年論天下事甚悉又與族子贄論保國家長久之道於士會獨有取焉始終不亂卒之日則辛己歲

卷六

楓山先生實紀

三

退補齋藏板

除也公器度宏偉於人無所不容私厚之氣溢於顏面坦懷待物好善有誠居常無甚異同及臨事決議援據精審確乎不易清心寡慾不事標榜有欲爲之表宅里築書院者皆力辭服食器用取給而已於書無所不讀有所不合必折衷於程朱其精切之論門人董知縣遵記之特詳皆可爲法於天下事無不理會堯舜君民之念每惓惓焉郡守嘗以嚴冬集夫築堤捍江亟爲書以天時水勢人情利害白之守爲立罷其役民間利病苟接於聞見必以達之上官其誠

心愛人如此爲文章平正典實理勝而味永遺文若干卷門弟子於公卒後相與蒐輯以傳者也曾祖諱叔良國初以人才徵辭不就祖諱邦和考諱申甫志識高邁能豫知子若孫之當顯者以公貴封文林郎南京大理評事加贈朝議大夫南京國子祭酒妣吳氏追贈恭人配恭人郭氏善內助先公十六年卒所生三男振擴捷一女適趙倣及孫男訢亦皆先卒曾孫男衢繼孫男試俱蚤夭有庶子接方五歲從子司空拯以壬午三月癸酉葬公長山之岡先塋之次墓石未刻蓋有待焉迄今二十年接旣長而能立且磨國子生矣不朽之圖朝夕在念司空以余嘗佐公於國學有交孚之雅乃具書及行述取其始終大節序而銘之庶以慰公於地下云

銘曰儒有君子亦有小入奚名爲小見止其身物我天人渾然同體所見所存如公有幾粵從辨志惟道是謀夙夜孳孳遑事逸遊博學精思貫通以類義畫周經心領神會以言以動時止時行惡衣非食道則光明忠愛之誠形於初仕甫上巒坡俄栖棘寺強年

卷六

楓山先生實紀

四

退補齋
藏板

秉憲皓首司成民懷士服有本之徵林臥日長不忘
兼善其進之難亦惟有見風聲所暨慕仰攸同廉頑
立懦君子之功言必有稽力扶正學寤寐程朱同歸
於約蛙聲紫色惑世誣民公心如噎長嘸且顰聖主
龍飛大明淑慝八座之榮以彰有德璽書存問公已
告俎載厪郵典廕及遺孤鐫石埋銘周垂永世孰不
爲儒惟公是視

像贊

湛若水

先生自謂一生委靡君子曰盛德之至是故不言而

卷六

楓山先生實紀

五

是補齋藏板

信不怒而人畏不爲名高以立異而人自不可企忠
信一貫表裏無貳非盛德其孰能與於是彼狡獪奸
媮進取以爲媚者觀先生之像其獨能無愧也乎

理學名臣錄贊

楊廉

君子之仕難進易退匪矯乎時義有攸在儒者之學
重內輕外匪逃乎名道不可悖泄治有本施教有方
克稱大老眉壽無疆

楓山章先生贊

晉陵

莊起元

贊曰盛德之容黃美內鍾曲學是鄙直道是從處能

伏蟻出能批龍履經百折眷渥九重作帝之師爲儒
之宗家聲踰躋廟貌肅雝式虔俎豆百世之庸

楓山章先生祠記

卷六

楓山先生實紀

六

退補齋藏板



守之任難進易退匪爲乎時義有彼任備善之舉
爲內應外匪逃乎台道不可悖池治有本施教有方
前大老何有無疆

文宗兼善經緯廣儲肅端左契監互百世之庸

本國山前此節風聲百伏眷渥九重作帝之師爲儒

楓山章先生實紀卷之七目錄

祠記

楓山章先生祠記

邵寶

重修楓山章先生祠記

姚文炤

崇儒祠記

劉元霖

卷七

楓山先生實紀目錄

一

退補齋藏板

崇儒祠記

重修楓山章先生祠記

楓山章先生祠記

楓山章先生實紀卷之七目錄

楓山章先生實紀卷之七

郡後學胡鳳丹月樵校梓

楓山章先生祠記

無錫

邵寶

寶

正德十六年冬十二月楓山先生章公壽終於蘭谿里第遺言勿干身後恩澤其諸子廣東布政使拯暨門人感恩知縣董遵等以其幼孤接敬聽惟謹明嘉靖紀元三月將葬而令司寇見素先生林公以召命過蘭谿弔且哭焉已而嘆曰古者鄉先生歿祭於社禮也先生天下士也其分則國之師以義而專祠之不亦可乎於是金華郡守扶風王侯九峯以上嗣大統奉表入賀未還則以謂其二守歷城張侯齊侯曰此固吾有司之事也其既承乏不敢不勉遵等又皆曰此二三子之願也敢因以請侯乃鳩工聚材卽其地之西南營焉功旣興而王侯還則曰此固吾守郡者之責也雖不及其始敢忘其終乎申令加亟通判大名石侯堅推官江寧藍侯英胥贊厥成中爲堂四楹前爲門如堂之數兩敘傍翼繚以周垣中位神主而顏其門口曰楓山章先生祠先生以南國子祭酒致

卷七

楓山先生實紀

二

退補齋藏板

仕詔陞禮部侍郎再陞尙書矣稱先生尙德也先生自壯歲以文章魁天下以忠諫著翰林以經濟稱於海內自史館左遷涉歷中外未克展布晚始起爲司成天下莫不賀得師焉及請老歸栖遲林壑隱然繫天下望者幾二十年以上之初政有意用之問使在途而先生卒矣論者於先生猶若未滿焉然以予觀於先生其共謹康靖之節平暢醇雅之文簡廉朴直之風在朝在野遐邇承嚮蓋不動聲色而耿耿迴瀾老益惇篤君子之論焉可誣也若是而謂先生之道未

卷七

楓山先生實紀

三

退補齋藏板

光於世則豈可哉夫天下之道德烏乎定定於一而已矣大哉孔子萬世之師也孟子去孔子未遠也闢邪放淫勤一生以爲任大閑立矣後數百年而有董子欲黜百家於漢又數百年而有韓子欲去二氏於唐然其識與力皆不逮乎其志故汎然莫之能定也周子程子繼起於宋超然獨詣繼絕闡微爲世先覺而朱子繼之著書立言行於天下久矣先生以盛德負重望弗惑弗貳而扶衛之意惓惓其間蓋先生之信朱子猶朱子之信周程周程之信孔孟也故雖未

嘗昌言如董力辯如韓然篤信好古君子與之起宋
儒於千載其謂金許之後無人乎哉正德之初竇按
察兩浙先生請老南歸見竇而謂之曰吾將舉公自
代而公乃在此乎竇愧乎其言今先生已矣弔以遠
廢而遵也乃用書述王侯之意請爲祠記竇感先生
之知也於是乎書時言者有爲先生請諡於朝上方
重名德固當從之節惠之公論吾知將與茲祠不朽
矣祠成於是歲秋九月冬十有一月旣望乃記

重修楓山先生祠記

姚文炤

卷七

楓山先生實紀

四

退補齋
藏板

侍御虹川端公按浙之數月勅吏民之弗臧釐而剗
之猶慮夫風教未端而興之者無本也於是乎褒飭
名賢以昭有攸勸生有表歿有祠下觀而化無遠邇
咸厲心焉庚寅秋七月公來視婺發首蘭谿拜楓山
章先生之祠隘其制懼其無以風也進吾屬謂之曰
先生言行聞天下而其遺風肅我後之人久矣祀之
弗崇廟貌之弗稱善者曷興司世教者無責與爰始
下令謀而闡之度公需勅有事專之胡令思忠董
之而文炤與劉承業高倅鳳朱推方實受命而綱紀

厥成焉舊祠廣踰二尋深倍之傍有羨道其後爲章
慎齋祠第又其後則先生故居第也乃擴其傍易慎
齋祠于外竝取故第入之門堂軒牖深豁逾觀廊豈
增延益增所未備風召義驅吏趨猷而民趨力上無
病費下無病勞不三月而告成功矣嗚呼非先生其
孰起公之敬非公其孰表先生之賢繼自今以往其
聞之而慕者不知幾人望之而式者又不知其幾世
矣或曰先生性淡朴雖沒齒不干恩澤祠之闢得無
嫌若戾乎夫顏氏子陋巷其居而其後也峻享廟庭

卷七

楓山先生實紀

五

退補齋
藏板

不爲侈爲其可以興也書畢公臧厥臧之政獨於表
宅里樹風聲乎屬焉先生之祠固風俗道化所關也
宏垣麗宇神之妥之將與顏氏配食相悠久而公之
所以崇大之者固有得乎畢公因俗善善之意也近
世浮誇薄俗淺於道有聞遂羣趨而廟像之非分之
崇不免爲有識之病其於先生何如其於世教何如
耶文炤小子忝竊是邦得瞻先生之堂效一日之義
且於虹川崇正厲風之盛舉不欲其湮也庸紀其故
勒而書之若夫先生素履則先達諸君子傳記載之

詳矣新學瞽言其奚俟贅及也耶

崇儒祠記

劉元霖

洪惟我明崇重儒品近代名儒既經廷議奉聖裁從祀孔廟矣諸待次者則聽監臣奏請勅建祠宇特與名號以示崇重甚盛典也泐之金華稱小鄒魯東萊呂成公與朱文公張宣公會講麗澤書院遂倡東南文獻之傳而何王金許四大儒繼之理學于是大明最後楓山章先生崛起蘭谿繼四賢以紹絕學議者謂比例從祀無忝未蒙俞旨於是按泐侍御唐公一

卷七

楓山先生實紀

六

退補齋藏板

鵬疏請于朝乞賜祠額得奉旨與做崇儒歲時享祀蒙恩盛矣先是侍御彭公應參按泐以先生祠宇未稱移檄有司議所以建祀之者具疏間有司以武林舊有先生祠可省重葺費遂止若今侍御方公元彥勅命申飭有司祠宇煥然一新於是先生令子少卿接乞予記其事以傳不朽予忝撫茲土感遇聖朝盛典焉敢以不敏辭嘗聞儒者備三才之道古稱魯國之儒一人孔子而已則儒固未易言也先生諱懋字德懋別號楓山出處顛末備載皇明眞儒考諸名公

實紀傳銘等書無庸予贅竊念斯道在天壤間不可
一日無儒者講明之功儒達而在上若稷契臯夔諸
良弼則道行當時儒窮而在下若顏曾思孟諸大賢
則道明萬世是故崇祀吾夫子於文廟所以昭揭創
垂正學爲萬世斯文紹統也分祀諸儒於廟廡所以
表揚發明正學爲萬世斯文羽翼也先生講道蘭谿
之上四方士子負笈雲集戶不絕履先生爲之隨材
造就各當其宜其在太學飭躬端範人思勉勵惟恐
不及至多士抱經質難則應答如響靡不釋然如飲

卷七

樞山先生實紀

七

退補齋藏板

江河隨分各足若先生非羽翼正學爲昭代名儒山
斗哉且先生業儒豈徒空言無當也者如在翰苑則
忠疏足以正人心而榮祿非所繫在閩臬則精讞足
以服人心而利害非所動矧急流勇退邱園是賁躬
行實踐闇然自修不謂之真儒吾不信也彼文清文
成諸公以此學倡和實與先生聲應氣求爲斯文鼎
峙今皆次第秩祀孔廟而先生者寧獨遺之他日興
論定而朝命俞當繼諸公芳躅矣是舉也魯軒彭公
創議葺祠冲宇唐公疏請祠額岱陽方公渙汗鴻號

咸於崇儒有弘賴焉法得並書

祠狀

福建名賢祠狀

湖廣名賢祠狀

列祀正學祠文後略

名賢祠狀

名賢祠狀

卷七

楓山先生實紀

八

退補齋藏板



...我且先...
...疏足以...
...以服人心...
...行實蹟...
...取諸公...
...今省次第...
...國定而...
...知人崇...
...實蹟...
...取諸公...
...今省次第...
...國定而...
...知人崇...

楓山章先生實紀卷之八目錄

祠狀

福建名賢祠狀

湖廣名宦祠狀

列祀正學祠文移略

乞祠額揭

乞祠額申文

乞祠額呈詞

湖江布政司行金華府咨文

卷八

楓山先生實紀目錄

退補齋藏板

乞祠額呈詞

乞祠額申文

乞祠額呈詞

乞祠額申文

復臨五學師文錄

臨五學師文錄

臨五學師文錄

臨五學師文錄

楓山章先生實紀卷之八目錄

楓山章先生實紀卷之八

郡後學胡鳳丹月樵校梓

福建名賢祠狀

福州府儒學并閩侯懷三縣儒學廩增附生員宋邦俊等呈爲崇祀典以激士風事照得楓山章先生懋係浙江蘭谿縣人中成化丙戌會元曾任福建按察司僉事其人穎悟夙成洞見道體存養有主靜之工夫行藏無外物之牢絆淵源學問可以上追宋儒經世文章自能超拔流俗抗疏敢言是其忠也受謫不

卷八

楓山先生實紀

二

退補齋藏板

顧是其義也屢聘屢辭是其介也樂育人才是其仁也煙火一諫與日爭光鄉約一書士夫心服論節義常與羅一峯頡頏論器局當與陳白沙並駕其在福省也始督屯田軍衛畏威而順化繼籌海道盜賊聞風而潛踪如此偉人世不多得宦跡處所理當追崇但在任不久而遽歸公論久淹而未白且一峯諸公皆已得專祀而楓山正學獨不沾一祭人心寧忍於不言乎幸蒙巡按老大人垂仁學校注意斯文正君子道長之時吾道可伸之機會也卽今春祭已近合

無將楓山神位送與一峯同祠共祭則上不廢官府之財下可慰士論之公不勝忻幸之至爲此理合備情具呈乞爲裁處施行布政司經歷司呈爲崇祀典以激士風事奉使司劄付蒙巡按福建監察御史施批據福州并閩侯懷三縣儒學生員宋邦俊等呈前事蒙批勘得章楓山係一代人望非惟德學超羣其歷官節義治行之善亦多官跡所經而祀典有缺公論誠爲未明今各學諸士猶有此呈是亦一義舉也布政司會同按察司并提學等道備查本公平生行

卷八

楓山先生實紀

三

退補齋
藏板

實并居官履歷之善從公議處應否與一峰諸公同祠共祭務求事體穩當輿情允愜具由詳奪此繳依蒙會同查議得贈太子少保南京禮部尙書致仕諡文懿楓山章先生自幼聰明穎悟其學根據六經不屑爲文章小技舉會元在中秘凡三年於古今彝典靡不精詳授編修在史館僅踰月以諫阻燈火遂致落職時同官黃仲昭莊孔暘稱爲三君子又與羅一峯稱爲四諫由是直聲忠概天下想聞尋轉南京大理寺評事每存惻隱以檢刑贖務平反爲急歷陞福

建按察司僉事大振紀綱以別吏蠹滌民瘼爲先家
食二十餘年論薦起爲祭酒時居父喪虛席以待卽
告再辭強而後可首勵教化倡德義明道術六館諸
生心悅誠服旣而陳言勤聖學五事於正德之初年
方欲大用先後凡八疏始得謝事平生學以達本介
以辨義養以成性行以迪德意所詣極將欲起婺學
數百年後會北山魯齋仁山白雲之派以上接晦庵
東萊之傳也歟歷中外官不過三考而在閩凡三年
德澤在人於今爲烈論者謂其道義風節與一峯偕

卷八

楓山先生實紀

四

退補齋藏板

合與一峯同祠但一峯書院先爲一峯設嘉靖七年
議添舒梓溪而扁額仍舊今旣增入楓山則一峯書
院理宜改題額再照三公同祠主位亦宜序次羅章
俱爲成化丙戌進士齒敘則羅爲長舒係正德丁丑
狀元於羅爲私淑於章爲後進合無二公竝列或以
舒配享宜以時定緣蒙批行議處崇祀名賢事理擬
合會案呈奪事理爲此備由同原蒙批呈劄付本司
卽便轉呈御史施照詳施行蒙批章楓山旣查有善
行實跡有補於名教有益於地方應與羅一峯竝祀

足見人心公論之不可泯與舒梓溪三人忠義風節
皆一時之名賢准改舊額爲名賢祠其位次則照年
之長幼時之先後羅左而章右舒則其配享也卽擇
曰安牌改扁則禮以義起祀典正而人神安矣仍通
行會議衙門及該府縣并各學查照施行繳

湖廣名宦祠狀

湖廣衡州府臨武縣爲乞准轉達續祀名宦以彰賢
德以勵風化事據本縣儒學廩增附生員陳擊王廷
聯鄺本然等呈前事生等伏覲皇明名臣言行錄內

卷八

楓山先生實紀

五

退補齋藏板

翰林編脩文懿公章懋以張燈事件自謫令臨武卽
欲就道旋改評事又按文懿公行實有平生以不得
宰臨武爲恨之句竊思公蚤登鄉薦學冠一時筮仕
翰林名稱四諫臨武之命甫下撫字之念卽萌地里
未經雖徒仰其過化心思攸暨亦已被其存神望切
雲霓機同風草評大理而寬抑盡伸四海受恩庇之
福視太學而矩度惟謹百家有罷黜之休他如閩藩
出鎮自商賈以至於羣盜處置得宜又如封事條陳
自聖學以至於大婚忠愛無已但僻壤遐陬愧嚮慕

之既晚而流芳遺愛喜圖報之有由昔虞舜至蒼梧而虞帝遂廟韓文公遷南嶺而韓張命亭雖未親炙其光尙爾景仰其盛況金許之後一人庶幾翹精一之旨而黃莊之賢竝美又可篤起八之功祀事肇舉於先民典禮足徵於後代然懿德之好士民所同而追崇之典執事攸賴茲幸遇宗師張老大人學究天人職兼制作准編廟役先師之神宇以寧聽置學田弟子之廩給攸贍至仁不遺於神鬼厚德必及於名賢呈乞轉達查審入祀庶賢德不至於終晦而風化

卷八

楓山先生實紀

六

退補齋藏板

有所激勸矣理合具呈施行等因具呈到縣據此隨該本縣知縣費參勘得各生所呈章懋文章德行當代推宗過化存神後人景仰雖相應崇祀名宦在本縣未敢擅專擬合就行申稟爲此縣司今將前項緣由具申伏乞照詳合無將前賢續入名宦以崇祀典明賜示下遵奉施行須至申者嘉靖三十九年十一月十六日具申欽差提督學校湖廣等處提刑按察司副使張批

諸生姜最等呈稱宋元之際金華一郡真儒繼出若
文定何基文憲王栢文安金履祥文懿許謙諡出前
朝祀列鄉校淵源派自朱子授受本於勉齋稽之方
冊訂之輿論皆以爲有功於聖門有裨於王道成化
間分巡僉事辛題請從祀孔廷一時朝議准楊時事
例建祠鄉郡勅名正學牲帛祝號欽奉朝命蓋以明
繼往之報稱開後學之纘緒也茲原任禮部尙書諡
文懿楓山先生章懋其爲人也博矣而能約聞之而
斯行學由真積不離當下工夫道自心生灼見本來

卷八

楓山先生實紀

七

退補齋
藏板

面目步周元公之無欲故靜體程叔子之有主則虛
始焉苦乃心極乃力殆類橫渠既而問道學德性尊
同符仲晦是周程張朱四大儒者公已覩其室與則
何王金許四正學者自合列其祠堂既同鄉而且同
德祇異時而罔異心其遭際也雖窮達之殊途而同
歸者在其著述也固多寡之異慮而一致者存昔嘗
請於朝冀從祀於聖人之廡乃今白諸臺請亦右於
正學之祠是舉也在四先生必無拒色在文懿公亦
無愧容若蒙題請共祀不惟義法允宜抑亦神人胥

悅

乞祠額揭

原任陝西行太僕少卿章接爲乞崇正學賜扁額以彰道化以勵世風事接父原任禮部尙書贈太子少保諡文懿章懋恭遇聖朝則名理學該杭州錢塘仁和縣三學生員具呈巡撫蓋造專祠一所春秋二祭致蒙巡按監察御史謝具疏比例宋朝名臣楊龜山將父神位附享本府四先生正學祠內後先媲美存歿俱榮伏照本鄉先臣新建伯王守仁初有書院蒙

卷八

楓山先生實紀

八

退補齋藏板

巡撫都察院蕭題請恩賜扁額後該九卿科道各衙門公同定議配享孔子廟庭比時先臣文懿公亦與議例迄今未設專祠而亦未奉朝命似爲缺典合行具呈念接父抗疏致主直節久著於朝端倡道淑人清風夙符於士論總該其出處操行庶幾乎聖賢淵源今上之旣未得與薛瑄王守仁同升從祀之科而次之且未得與蔡清吳與弼並在專祠之列雖聖明重道尙有待於公評乃犬馬啣恩不無激於私款特以祇遵新例不敢擅行陳乞以希一時曠蕩之仁幸

而遭際台臺輒嘗注念儒先以榮百載朽枯之骨于公肅愍旋得改謚爲忠合省縉紳舉皆彈冠稱快至於接父文懿公者素以理學名臣而兼宗節義之望請如新建事例而竊徼忠愍之褒卽將舊祠特賜新額乞書正學用表真儒則於道化輝光且於世風興起矣

乞祠額申文

金華府蘭谿縣爲出巡事本年四月十五日奉本府信牌蒙欽差提督學道蕭憲牌該蒙巡按浙江監察

卷八

楓山先生實紀

九

退補齋藏板

御史彭憲牌照得本院巡歷浙江據蘭谿士民咸稱原任禮部尙書章懋係當代理學一人雖經立有祠享未奉特勅褒以祠額似爲缺典除咨詢批行外爲照理學名賢均於世教有關而彰往勸來尤爲憲綱首重茲當本院報命有期合行查議行道轉行該府備行仰縣卽查章文懿公向來會否立有專祠卽今應否特請祠額有何隙地錢糧堪以應用逐一查議妥當具由申府覆議等因蒙此隨該本縣知縣葉叅照得禮部尙書章文懿公懋沉潛正學遠邇洙泗之

源討論遺經近紹伊洛之緒在史籍則列理學之名
臣在廷議則請從祀於文廟是雖朝廷分豆之命未
下而今士庶瞻仰之心方殷幸蒙憲牌念及祠額未
有特勅併查隙地有何錢糧是誠隆重先賢之盛典
興起後學之盛心也本職會同槩縣鄉宦通學生員
查得先年省城原有祠宇有司歲時享祀蓋造雖出
門弟之捐貲牲醴則給官府之公費乞比王文成公
事例緣天真之舊祠請勅賜之新額則上不費一文
於公帑而下可垂百代之觀瞻矧二公俱係兩浙之

卷八

楓山先生實紀

十

退補齋
藏板

名儒而二祠均列省城之要地蓋不惟增聖朝多賢
之光後先媲美抑且彰明臺崇儒之念古今不朽矣
本縣於本年四月二十日詳覆該本府署印同知凌
勘得章文懿公履繩蹈矩率學者以躬行政事文章
媲美先賢於繼美筮仕之初卽以直諫謫官強仕之際
又以急流勇退此其理學出處真與王文成公彷彿
其不同者文成公以臺諫遇變成功文懿公以翰學
居常未暨其所操持殆易地皆然者今文成公省城
有天真舊宇勅以嘉名今文懿公省城亦立有享祀

之祠未得嘉名之錫倘蒙賜之題請勅以扁額祀之
官府則不必興作之費已得崇儒之典士民悅而文
運邇此一舉也殆天下人心所瞻仰矣

乞祠額呈詞

金華府蘭谿縣廩增附生員某某等呈爲懇題請祠
額以崇先哲以隆祀典事本縣禮部尙書文懿公章
懋潛心篤志學探道脉之源著述討論身任斯文之
寄故理學列傳於史籍公議不磨而從祀迭見於奏
章與情允協前蒙巡按浙江監察御史老大人彭以

卷八

楓山先生實紀

十一

退補齋
藏板

崇祀有關於世教錫鈞牌以行查以未奉勅額爲缺
典擬報命而題請已經葉知縣會同鄉宦生員申府
覆議凌同知具由申詳學道轉呈到院未蒙申奏士
切仰瞻切思先儒未與孔廟一豆之榮均奉特勅廟
額之錫况今章懋省城原有專祠有司歲時享祀伏
乞前准楊中立李慮中諸賢之舊例後倣王守仁吳
與弼歐陽德等士之新規倘得請命於當朝幸沐天
恩之特勅則不惟章懋談道淑人之功垂乾坤而不
朽而抑且明臺崇儒重道之澤亘古今而永存矣

金華府儒學廩增附生員某某等呈爲懇恩題請額以崇先哲以隆祀典事郡有禮部尙書文懿公章懋潛心篤志學探道脉之源著述討論身任斯文之寄故理學列傳於史籍公議不磨而從祀迭見於奏章輿情允協屢蒙憲臺老大人謂崇祀有關世教會錫鈞牌行查但未奉勅額士望殊殷近經葉知縣會同鄉宦生員申府覆議凌同知具由申詳學道轉呈天臺生徒翹首仰申奏曷勝激切屏營切思諸儒有未與孔廟一豆之榮尙均荷特勅廟額之錫况今章懋省城原有專祠有司歲時享祀恭惟天臺衡持道統古今榮一字之衰褒望重士林江浙欣九重之奎照乞前依楊中立李愿中之舊例後倣王守仁吳與弼之新規倘得請命於當朝幸沐天恩之特賜則章懋譚道淑人之功垂乾坤以不朽而天臺崇儒重道之典歷世代而永存矣

浙江布政司行金華府咨文

布政司爲儒臣有功名教乞賜祠額以崇理學以隆祀典事據經厯司呈抄蒙御史方某案驗奉都按院

卷八

楓山先生實紀

十一

退補齋藏板

巡按浙江一千六百六十號勘劄准禮部咨該本部
題祠祭清吏司案呈奉本部送禮科抄出巡按御史
唐一鵬題前事等因奉聖旨禮部知道欽此欽遵鈔
出到部送司案查萬歷十二年五月內該浙江撫按
蕭原范鳴謙會題請復先臣王守仁祠宇并乞賜祠
額本部覆奉欽依祠名與做勳賢遵行外今該前因
通查案臣到部看得浙江巡按御史唐題稱已故禮
部尚書文懿章懋舊建有祠未蒙賜額乞比文成王
守仁事例請賜祠額以垂永久一節爲照先臣章懋

卷八

楓山先生實紀

三

退補齋
藏板

人倫師表道學宗盟抗疏詞垣忠貞可貫乎金石懸
車林壑節概竝重於斗山肆簡命之洊加終辭榮而
匿采憂先廊廟敷陳悉保治之箴銘教闡關閩著述
作遺經之羽翼學行屢褒於先帝俎豆式隆於今朝
蓋在王守仁則道德與勳庸竝茂在章懋則理學偕
節操齊芳士類共推允宜顯祀旣經先今按臣勘奏
前來又經該司查有王守仁前例相應題請恭候聖
明裁定於本宦原建祠宇內特賜祠名以崇賢哲勅
下臣等遵奉施行其於廣勵世風裨益非淺等因萬

歷二十五年十二月二十八日本部署部事左侍郎
兼侍讀學士劉等具題三十日奉聖旨是祠名典做
崇儒欽此欽遵擬合就行爲此咨煩轉行彼處巡按
御史照依本部題奉欽依內事理一體欽遵施行等
因備劄到院奉此擬合就行爲此仰司呈堂照依劄
案備奉欽依內事理卽將本宦祠名轉行該府縣一
體欽遵施行等因抄呈到司蒙此擬合就行爲此除
備行杭州府遵照外劄仰本府官例照劄備蒙案驗
內事理卽將已故禮部尙書文懿章公舊祠轉行該
縣照依王文成公事例置辦與做崇儒匾額完備擇
日迎送本祠致祭懸掛仍整飾祠宇崇奉施行具遵
行緣由繳查毋違須至付者

卷八

楓山先生實紀

四

退浦亦別藏板

